

萬一樓集卷十一

諸暨駱問禮子本著

雜詩

韻用洪武正韻

九鼎山

星磴虹橋寶閣攢
彩霞蒼幹碧峯寒
憑虛躡險神飛動
况坐平林仰面看

其二

曲房斜閣倚巖開
檀鼎烟清繞石臺
山色入窻依舊綠
昂霄羸得白雲來

賦得瀾滄呈華兵憲

禹跡西南遠瀾滄畫斧涯山從巴蜀到水自吐蕃來
鐵騎唐藩重雄城漢郡開風塵談笑淨鎖鑰更誰才

青華洞

莫高匪天登無梯莫厚匪地通無微青山廠華洞蟠
結紛虬螭方識地有竅肯信天難幾人傳昔年有奇
客秉火曾齋數朝食仙踪杳邈不可窮捫跡回來常
嘆息自此無人度石梁落花流水雲空碧我鄙疑此
中直與冥關通神人當紫極日月熙玄宮華胥天帝

定詎數瀛與蓬不然誰與集鬼斧暗中槌鑿開瓊戶
我曾燃寶犀照海見水府亦曾乘海槎支機懸繡組
臨風不覺夙心雄拔劍便欲驅神工剖開萬古夜壁
立千仞峯一覽盡真境不使烟霧濛所嫌洩天祕翻
令造物忌回首乾坤總一窩至止何須論巨細欲從
洞裏覓乾坤易爻八百從頭味

登山

雲白山青日正紅錦旛瓊帳最高峯世間萬事看人
好兀坐平林把一鍾

龍馬箐道中

綠樹崇岡杳蒼蘿曲峽賒梅花矜臘色傍水故橫斜
鶴劔篇寄羅樞所寅長

美人贈我鶴慶劔畫影騰空未云厭在匣時聞龍虎
吟拭土芙蓉更生豔出常珮帶入寶藏神姦遁跡物
鬼斂默想當年鼓鑄時山開溪涸風胡馳斷髮流金
還自躍龜文漫理分雄雌君先握雄雌授我純靈奇
氣盤虯螭目搖秦客驚初見突陣青龍馳紫電少年
欲斬佞臣頭夢中持扣黃金殿太平盛世乾坤寬風

清中外無恩怨憶昨同攜過碧雞匣中隱隱愁別離
珮登三事張華在抵掌伊吾各有期天生神物終當
合翹首延津彩霧迷

贈唐鑑江按察

星軺清署舊同袍炎徼冰絃更續膠春暖外臺欣露
冕月明中祕騰風騷上游江漢金沙遠再發崑崙太
華高碌碌因人慚短髻登臨作賦讓誰豪

將進酒贈劉小鶴學憲

有序

山城治具甚草且無以爲侑因爲短句意欲

於筵前俚誦以候引滿顧必有金石之響鏗
然觸地者始足以厭佳人之瑟而起唾壺之
缺脂鞭燕石母乃翻爲高識者所掩口然竊
聞之飽膏梁者偶啜蔬菽真以爲太羹玄酒
而出入於宏宮邃閣時履荒郊不覺神怡目
洗公方握瓊披繡而按節鈞韶萬一動情於
布粟而以蛙聲爲一部鼓吹能不爲我更罄

一壘耶

聖代崇儒術權衡屬巨公文章三殿重禮樂百蠻通

雷動春山雨星迴瀚海風豹林祥啓霧鯨浪勢凌空
繩墨歸輪梓和鸞御玉驄行同趨正鵠藝總薄雕蟲
歐冶鎔金粹方臯骨相工晨光蘋藻潔秋色梗枏豐
鄒魯斯焉取唐虞比可封揚旌光繡豸轉轂際雲龍
國士奇無二家聲淑更重郢歌湘瑟應春草暮雲籠
燕瑣封章密秦關祭戟雄萱荆饒歲瑞桃李競春容
五彩巖廊日孤標海嶽峯尋常佳氣接錯鈔景光融
列宿原隨極孤丘獨倚嵩姓名瑤簡麗冠蓋屬車從
南斗經年意東山謝世踪漸看頭積雪寧復腹生松

大隱非尊海高情異轉蓬殘冬明月夜絕域舊花宮
翠釜兵厨小丹絃熨調濃清尊聊可對顯塞未須窮
觀海樓次李使君韻

無事漫登樓憑窻見海鷗雲移黃鶴色雨散洞庭愁
古壘松杉蔽寒郊荳麥稠日斜人影亂同喜醉翁遊
登姚安東山

絕塞崇岡側荒營古廟低雲飛交阯北日落吐蕃西
漢事村烟暝唐封徑草齊長安消息斷翹首思悽迷
姚安諸葛祠

古壘清祠小寺邊孤城平野亂山前蜀都雷電九天
落瀘水魚龍五月淀夜雨空林驚鐵騎秋風晴漢引
旌轅蕭曹伊呂無勞問澗藻溪毛到處鮮

元旦

戊寅

春色回天外羈愁集歲初姓名人指摘髮齒自蕭疎
官舍僧齋冷鄉書鴈影孤獨憐青海日萬里照屠蘇
獨坐

李白襯桃紅亭亭短竹叢豔輕清暎日香細暗隨風
燕掠朱簾動蜂喧碧榭空小堂成獨坐忘却江東

寫做

寫做少年事垂老勞神形逸少不可作子昂世無京
遺墨千百載瀟洒意如生嗟予幼失學舉筆如持荆
敗素內自愧意氣徒吞鯨踐形在君子盡性乃其經
一腕雖甚眇失性愆非輕蹉跎流年逝兢惕志未寧
官閒得閉戶撫簡式且程媪姥新刺繡指棘終無成
欠伸忽自笑何年墨池盈游藝聖所許非時兒童評
顧自不爲倦每藉舒煩膺丈夫志遠大生平豈無營
金甌醉醺醖歡謔移軒枰聊謂此猶勝默默晴窻明

讀書

少年習章句老猶似儒生夜雨續殘燭春風寂啼鶯
丈夫圖盛大幼學壯以行蘊精攬其要高舉當權衡
區區髮半白爾爾將何管况今談聖學謂不在六經
子史尤鄙細徒足損性靈顧予蠢且僻慕古懷典刑
開軒堦草碧滴露庭柯清溫故如抱玉知新勝含錫
稗官亦可喜聖謨詎無徵縱令實不至暫覺胸臆宏
挾策果亡羊甘與博箠并晝長皮几潔吏散重門扃
披卷讀且想昏然忘枯榮

深館

深館孤燈照雨昏，劍光沉鬱玉爐溫。遙思巍寶城千

尺，清燕南檠細論文。

時華昆源羅樞所王白嶽三公在蒙化

小館

小館孤城雨乍晴，不知昨日是清明。花燃柳暗空郊外，免得鄉心逐鳥聲。

洱海遇風

驅車青華道，城閣穿雲中。鐵馬振題楫，林木號長空。大塊散噫氣，發育八表同。胡爲當此地，披捲殊遭逢。

僕夫控勁弩，檐帷飄飛蓬。人言蒼山側，景絕勢更雄。榆木波萬丈，雪巘遙千峯。中有兩仙人，一嘯龍虎從。西去路數舍，分來氣猶鴻。陽和破殘臘，轉眼春欲終。花信二十四，奔走違故宮。徒負七尺軀，局促無善容。相逢總豪舉，邀我傾兕觥。前途亦如此，匆忙將何窮。引滿歌且笑，復酌祈化工。飄揚自天末，旋至滄海東。小園花正發，簾幕喧遊蜂。吹噓莫造次，蕩子懷新豐。

普湘道中口占

官閣難逢陶令卮，鹿車不逐穆王馳。漫遊何似疎狂

客行部看山了一時

喜雨

山雨穿城到堦苔
沍露新風雲方際會
草木總生春
漢相遵時制
周波宴聖君
均調無絕塞
色笑啓芳樽

久旱至武定小雨

停車疎雨滿高城
單葛生涼小榭清
碧樹萬山虹影
落飛流一線夕陽明
郡逢新造當邊徼
帝念窮黎
憫客情安得遂
從終大惠洗天三日
倒滄溟

喜雨

枕上芭蕉薦雨聲
勸農忽夢小車行
不知薄俸緣何
事能變山居落魄情

夢見樓用中

遠道飛魂至荒墳
宿草新技能資我
拙祿不濟君貧
破屋凝霜漬空梁
落月痕窮通無限恨
誰與問洪鈞
發武定

曉雲初散日華鮮
搖曳雙旌拂隴烟
人競稼秧新雨
後鳥驚伐木小莊前
淹邊垂老孤
明世定亂臨風
問昔年名利牢籠終
白髮枕流何似對鷗眠

端陽富民縣把酒

天末逢佳節孤樽亦泛蒲方懷親友共轉憶歲時逋
邑小新遷治田園宿負租南風正披拂欲鼓舜絃呼
賞紫薇花

紫薇花發紫薇堂錦瑟瓊樽掩映芳錯落明霞濡湛
露輕盈繡幄擁高幢雲邊萬壘齊休馬雨後千家競
稼秧歌舞莫嫌頻換燭曉風旌騎總茫茫

回姚安口占

旋旌當久旱甘雨喜隨車偶爾蘇民望天功敢自居

送張漸江大參赴嶺南因簡姜春宇馬映臺二

僉憲

雨花臺畔路多蹊樽酒昆池又別離鵬徒垂雲蜩鷓
躍燕歌斜日鷓鴣啼梅浮春色羅烟暖鱷引秋濤海
瘴低流水高山逢舊好肯緘清調說滇西

安寧東樓

六月南中桂子秋同攜綠竿一登樓夕陽古道匆匆
馬漁浦荒烟渺渺舟水注金沙巫雨上山連銅柱粵
雲浮百年勝會天涯幾肯惜疎狂賦遠遊

安寧溫泉四首

千巖風雪瘴痕收一澗清深暑氣浮縱是出山依舊
冷窮源終不類凡流

其二

朱欄曲閣不通塵碧砌常涵玉鼎春固識華清多勝
事牙琴點瑟共浮雲

其三

嗽玉蒸蘭馥且清濯纓濯足任人情洗天涼雨窻前
過蜀悅湘蒲汗覺輕

其四

急纜輕橈帶雨來清歌短賦傍雲裁炎涼識破渾無
事芳燕頻依夕照開

羅漢寺次盧廉訪韻

掛壁臨淵結構奇鶴巢珠樹鹿銜芝海涵秋日光千
頃山擁朝霞氣陸離矮竹長松開徑遠綺欄香閣聽
經宜遙瞻萬堞聯雙塔斜日浮烟別有思

石羅漢次盧廉訪韻

何日焚身去千年化石來鋪裘蘿月映飛錫野雲開

巢鶻崖千丈呼龍水一杯上乘從會得不問世興衰
太華寺次盧廉訪韻

俯海聯關芳樹賒樓臺鐘鼓薄戾家門羅錦石時蹲
虎天近雲峯數雨花鄉思消殘仙子局詩脾清徹老
僧茶十年景物還依舊烟日蒼茫接五華

五華寺在會城與太華相對

中秋

萬里同秋色孤身滯夜郎月來東海上鴈逐北風翔
雲淨天彌闊庭空漏更長舉杯無可問翹首四山蒼

雲南驛次韻

古驛臨荒野棲遲幾度行馬疲猶識路民瘠不知耕
負擔懸鶉市樵蘇度鳥程只宜衰髻客馳逐暮雲平

青華洞

屈曲攢懸磬離奇雜綺霞開應勞鬼斧入始識仙家
丹溢留殘鼎曇凝吐幻花乾坤迷底蘊日月漏光華
穩稱陳搏臥閒宜李愿誇何當重列炬采藥裹胡麻
晚至定邊

蕭蕭秋旆捲寂寂野堂開暎日村烟薄隨風山雨來

顏垣棲辯結小澤長蒿萊客思渾無極臨軒不可裁
九日定邊登眺

錯落岡巒總插天曲澗斜坡結成塢邑據山腰只一
丘民除客籍惟三戶輿臺登覽足清秋賓從踟躕訝
旁午溫泉鼎沸氣吞龍密箐風號人逐虎蒼嶽南旋
歷百蠻金江北轉奔三楚丈夫劔履薄搏鵬 聖世
梯航無畫斧白髮朝梳落一團丹心夜撫圍禾畝日
旻金戈力可回天高鍊石功堪補英雄終古問誰強
壯健幾時能自苦故園萸菊又經年翹首依稀見天

姥

瓶中佛桑花

折來猶未見全株挹翠驚丹眼已舒安得臨軒承色
笑避霜高結碧紗厨

賓川次故開府鄒侍郎韻

有序

侍郎平鐵索箐宿寇百世之功也而時論不
與事固有然者憑軒把筆不無藏弓之感云
密箐長川控一城英雄今古幾垂名寇平入夜千村
靜地暖先秋百穀成蠻店金沙西蜀雨梵經雞足半

空聲臨風玉劔徒生彩擬把青門問邵平

見日樓漫興

百尺危樓足自驕孤城雙塔四山交混元殿角千年
樹大石湖心二月濤寺有古山僧榻淨祠存諸葛將
臺高乾坤何處非吾土燕北稽南夢獨勞

花樓次劉學憲韻

十年道路九羊腸高閣偏宜遠客狂昆海籌前分大
澤謂大石湖也蒼山雲外共斜陽唐城寂寞荒林底漢壘
崔嵬古寺旁樽酒憑臨無限意髡衰誰信寸心長

送盧方伯赴廣西二首

送君無限意不爲惜君行家有雙白髮萬里難爲情
薄田足餽粥癡子工羶腥所缺獨有在未足煩君聽
君家鱗羽便每辱寬我膺飛騰秋漢閣誰復傳尺鯨
朝日出東海赫赫西陞熒兩地同見日九天倏回星
因君增感慨驪駒更悲鳴君行試回首日暮寒雲平

其二

風光轉天末十月櫻桃榮驅車過金馬貴竹千山迎
楚水芬有芷彭蠡寒無冰入門當歲節梅花鬪新晴

天子求外相 祖制非反經
東風盈上苑 桃李參差明
御堤千樹柳 樹舍烟青桂
林膏雨足 魏闕台光清
翹首問滇海 故人酒如澠
何當同引滿 雲樹渺層層

回蹬關次韻

碧雞關外更多關 人自奔忙雲自閒
石蹬盤空臨古哨 土城圍驛倚荒山
英雄今古知誰是 風月乾坤不我慳
短劔素琴常對酒 肯將歌舞讓朱顏

祿豐道中卽事

綠樹林中白壁黃 泥坡上烏牛石橋
酒家低旆雲岫 經僧小樓赤脚商人
野飯蓬頭夷婦秋收朝陽一村
清景客子三年遠遊

和曲道中

炎邊無十月 偶此見冰霜
小澗泉流澁 平疇麥葉黃
山寒收瘴氣 月落動晨光
征騎蕭蕭發 鄉心苦未降

元謀縣

縣解頻遷地 征徭半沒田
草枯頭自結 民病瘦多偏
雲際川山出 林端楚日懸
瘴痕收喜盡 斑馬一蕭然

送張廣文還山賦贈

君不見山下泉涓涓流出同新鮮遠者奔騰到滄海
其邇咫尺滋桑田又不見林中木映日穿雲俱棧樸
棟梁宮殿塗黃金幾枝折作鹽車軸車軸桑田已足
顰况夫沃釜摧爲薪尾閭大海終歸盡咸陽三月飛
烟塵天生百物各有分智力誰能移尺寸幾人作調
得千年碌碌風塵嗟困頓眼底張君氣獨豪解綬拍
手尋蓬蒿自言蹉跎分已足斂袖且欲全鉛刀衣冠
奔走各旁午模範誰能還我父清風匹馬來時裝紅
日三竿昔年塢一盂一榻樞有繩良辰佳客不須迎
神仙自古在平地山林未許巖廊輕我心不欲君歸
谷我力猶能縛君足知君夢已覺邯鄲聊爲君歌泉
與木

聞高中玄老師訃

四海蒼生意尚懸洛陽橋上忽啼鵲蜘蛛絲又網延賢
閣燕麥新搖獨樂園嵩嶽百年收間氣箕光一夕散
清烟漢昭不減周成聖他日終知子孟賢

其二

勳謨恩怨總朦朧
落日浮雲逝水東
桃李春風金谷
閉芝蘭秋露玉堦空
兩朝 憑几叮嚀詔 三殿
垂紳蹇諤躬
青史未須勞直筆
且從麟閣畫儀容

其三

城中車馬日磷磷
徑草萋迷石碣新
夫子我能私作
諡門人誰許竊爲臣
杏林春暖鄰墻蝶
蘋沼秋寒絕
塞塵拭淚何年過
墓下劒光輕拂樹頭雲

遊僧

方百匾袂小盂圓
錫杖橫穿沒半肩
紅日白雲攀翠

隴無人不道上西天

得姚使君書賦寄使君
舊守大名左遷桂陽今

守嘉定爲量移云

衝陽回鴈帶斜曛
蜀道誰能致尺鱗
楚畹紉蘭新製
服冀方展足舊空羣
郡齋曉映峨眉雪
江郭春浮錦
水雲勝地自宜詩
客據莫登高閣望京塵

送王白嶽參知江右

梅疎杏綻柳條榮
別燕開當海日晴
青瑣封章投徼
檄蒼山尊俎入關旌
滕王閣上秋雲暖
陸子祠前曉

萬一樓集 卷十一
月明作賦雅知君出色登臨何日得逢迎

萬一樓集卷十一 終

萬一樓集卷十二

諸暨駱問禮子本 著

雜詩 韻用洪武正韻

安寧署中樓上次韻

天地容吾漫邊城上此樓水環聞落響山隱露峯頭
斜日湘簾影浮雲楚賦愁遠遊憶司馬不是覓封侯

迎春柳 一名金梅花

名花金谷常對酒野花寂寞依山榭炎邊冬暖花開
多道旁又見迎春柳枝疎葉朗花瓣肥梅神菊色陋

薔薇車前嫋嫋隨風舞
渾疑夾蝶穿林飛
穿林映水迷蠻店
迎得春來桃李豔
傍雲栽日總無緣
徒使遊人撫長劔

吳興徐龍灣方伯訃至自江西

當年贈藁墨猶新
楚竹迎飈減翠筠
帝子閣中簾暗雨
真人宅畔隴浮雲
文章廊廟雄前代
踪跡江湖迴後塵
天日茗溪蘿館在
夕陽衰草對誰曛

除夕

天涯歲杪滯孤身
空館燒燈僕隸親
強健百年常此夕
肯嫌漂泊擲芳樽

驗象

歸然道上如移阜
錦袂狝氈聯纈綬
銀纓金鐸寶鏡明
絡首纏腰燦如斗
旌旗簇擁鼓吹喧
道旁觀者車馬駢
重臣據案小臣走
譯士蠻酋頻啓首
自從命飛九天津
途到處儲車船封章
馳傳期半月萬里
須教上金闕同生
山海爾何奇遭逢
此日宣光儀聖朝
天子重明德異物
不以登貢冊德流
業廣式九圍儀章
巨細懿且徽雙闕
盤空五雲上

陸前交戟千層壯 禁局纔啓百官齊 鹵簿將移
五鳳飛此時見爾當廷立逸氣驕心俱斂緝傳言食
祿比將軍戴胄擐甲宜絕倫不如仗馬鳴還斥寧似
犧牛廟中劈所嫌驅策隨芻奴趨繩步矩始不逋天
生萬物貴世用肯戀炎山草不枯

贈羅樞所寅丈入 賀

春殘花鳥自蠻都酒盡兵厨更爲沽乾海斜陽征旆
寂亂山輕霧驛亭孤嵩呼星弁連邊譯鴻漸雲遠引
鳳雛路出邯鄲煩借問盧生幻枕尚存無

奉贈按察使星巖詹公入

賀便道省覲

有序

憶與公會於彭城徐刺史席上蓋十年餘矣
刺史公同鄉而予爲刺史門人感今懷昔不
覺及之云

望日瞻雲兩地情聞關萬里一行旌黃梅雨過荔枝
熟丹桂風清奠莢榮江郭故人燈下燕山郵蠻吏馬
前笙重逢十載渾疑夢誰遣臨岐唱渭城

曲靖道中贈歐茂野憲副

闕下新逢似故知琴樽此日慊襟期關亭繫馬塵初

淨野寺看花月未移南北封章同瓊掖升沉冠蓋總
天涯倦塗自喜蠅隨驥千里渾忘歷險夷

易隆道中贈歐茂野憲副

行旌又復西馬疲步逾緩山高雲霧迷海涸蘼蕪滿
風塵出市橋燈火歸山館丈夫三尺劔擬挽天河浣
精光燭斗牛荆棘寧足斷蹉跎意未酬漂泊雙髯短
多君志方烈周鼎力堪幹追隨半月程提衡忘雨暎
明時盛賢哲周行緒應纘鴻鵠翔九霄鷦鷯翅忘悞
何當播春陽頻使寒谷暖

欲遊蒼山不得簡萃兵憲

十九峯頭春雪晴峯峯寒削芙蓉青淡雲一株松障
橫明月萬頃榆波平負山駕海天築成兩關鎖斷真
蓬瀛花燃鳥碎風日清絃繁管急尊俎迎屏牀鑿石
瑜瑤輕螺螭結蛋鮮脂凝寺傳三塔賓館精幾翻蠟
屐張行旌雅知俗態羞山靈還憐蓬髻隨霜星夜深
拋卷移孤檠夢遊天姥千年情主人有約捐百朋多
方爲我求青萍定須共步攀蒼冥岸冠長倚神鬼驚
吁嗟人事無定形斜陽歸鳥昏霞層

方左伯兩考奏最二首

犀帶雞袍萬里閒
鯨鱗鵬翮六春單
霞開棠彩明丹
微露浥薇暉
映素顏
寶井日寒嵐
靄淨
檳林霜暖
箒花蕃
金甌 璿藻無中外
莫道沙堤遠
玉關

其二

赭囊驪騎帶星飛
為報邊風暢
紫薇嶽色過秦瞻
太華海濤從漢識
昆池孤標雲巘撐
銅柱五稔荆谿長
玉芝世事積薪無
足問已看 綸彩燭罍思

思家

故園在何處
孤劔滯天邊
人去隨重譯
書來定隔年
鳥啼山雨後
花發野亭前
觸忤偏堪怪
能令兩鬢鮮

祿豐卽事

孤村小聚驛程幽
薄暮停車野色稠
繞郭水從南海去
滿川雲向北山流
橋頭雨過烟含柳
谷口霞明日在樓
把酒莞然成獨聽
絃歌疑入武城秋

贈顧按察

顧君骨相今古稀
登臨不擇山水奇
酒酣自詫少年事
一飲五斗春風熙
慣騎迅馬奔絕巘
的盧一躍鴻

溝淺荒原百里神鬼號雉兔紛紜曾足勸應弦白虎
摧巖前羣英羅視俱騰騫寶刀腥錯燔且擘徧享傑
士仍揚鞭歸來日色猶未暮馬上抽思追七步星輝
峽倒千萬言不數相如上林賦自從獻策趨建章干
將光焰增雄長東甌旌節搖隨斗南海鯨鯢膾佐觴
匣劔幾年宣室遠喜見曩時鷹若犬孟嘗食客還數
千供資常足他何羨無端更作萬里遊著書翻笑虞
卿愁平生肝膈如子幾把酒况當池館幽齷齪憐予
無足重對君徒自神飛動一團赤實舊纍纍五尺青

絲今種種不飲終朝醉似泥高張兩拱羞縛雞眼前
能事旣如此矧曰遠大能相期君不見定遠平津俱
骯髒英雄誰老還誰壯頭領如君格夙成牧豕歸余
守窮巷

五月菊

傲霜原爾性故發傍端陽炎彩流增豔南熏拂更芳
窻前添晚色籬下引秋光安得彭湘客餐英共碧觴

觀海樓

山閣午窻明海堤秋樹碧洞峽奔流聲浮圖凌漢色

經函寶供前拂掛藤牀側古鼎烟正清短墻日將夕
遊人戒勿譁中有太守客

貴竹道中效顧僉憲作

各行始覺 皇圖遠號令殊方亦自安谿洞遍分蠻
部 各山程中度漢衣冠千峯雨霽青天出六月風高
白日寧 聖主威加思猛士欲將銅柱表江干

金芝之爲劉侍御賦

憲度炎邊 肅仙莖密署芳紫雲凝霽彩明月瑩清光
倚栢旋靈鹿 叢蘭觸玉璫亭亭迎旭日翳翳傲秋霜

豸繡當臺麗驄蹄出塞忙

皇圖原續禹民俗始還

唐銅柱烽烟息金沙瘴癘降桑麻聯島甸槐桂滿門
墻已見澄清遠因徵錫祜長地嚴涵淑氣景會發奇
祥玉液三垣澤瑤池 萬壽觴沐將從次第歌舞詎
遐荒

其二

代鄭羞齋作

曾依漢殿吐銅池烏府遐陬忽毓奇素質先秋爭桂
色鮮莖裁玉潤香脂月沉蓬島霞偏麗露浥商巖日
正熙把酒稱祥誰獨健鄭虔詩思舊來遲

借李大叅鄭副憲顧僉憲年丈同草高中玄座

師祭文

宿草寒烟雀巷迂
瓣香縑帛佐茅苴
麒麟漢代空留
閣馬鬣周封幸
有墟獨數任安終
衛客不妨柳厚自
唐儒天涯何事題
將急爲少當年政府書

題瀛洲圖

代作

天策神仙府龍從間世英
退朝同結駟授簡各橫經
春日盈磚麗秋風入幕輕
當年多獻納不洗禁門兵
醉後贈王松屏大叅顧冲菴憲副趙心葵僉闈

希驥須驥乘希顏亦顏學
尺步與繩趨非苟自束縛
今夕果何夕高筵傍江郭
對此燈燭光懽呼共爲樂
劔說雄萬夫歌聲凌碧落
一舉五十觴袒跣帽折角
輿隸俱掩口寧曰不爲虐
吾道有弛張作輟詎違獲
憶昔當少年狂縱人共愕
自識親章句虎兕就籠絡
暗室如大庭戰兢虞履錯
夫何三十年病發此狂藥
禮法本吾輩見獵喜心作
齒豁髮半蒼眼昏步全却
猶然誇矍鑠欲與朱顏較
年力旣如此師保立如卓
濟世無大才盜名矜齷齪
已往何足追將來尚堪琢

顧昔賢與愚於今苦難索三萬六千場得意誰好惡
清夜尚未央引滿莫嫌濁

過滄江橋

絕壁凌霄鳥道迂深江飛霧混龍魚浮槎支石橫銀
漢日影長虹駕彩輿萬里梯航周象譯千村樵牧漢
車書西南要路經由徧關塹重過百二區

過天生門

始識騰衝路盤旋虎豹林竹斜知雪重樹翳爲秋陰
函谷秦關啓桃源漁父尋孤身天外鴈寥落日將沉

除夕駐金齒城

巳卯

山閣看雲遠蠻燈對雪華髣衰難別歲客久似無家
諸葛營連海張騫節傍槎前期與歸計消息問梅花

題簡贊機務冊

紀江陵劉愍節公征交南事也

簡命綸音數叅謀廟算優天王周聖武人傑漢留
侯銅柱千年折妖氛萬里收杲卿還有舌冰雪凜蠻
州

讀劉愍節公應

制騶虞詩

公詩藏南內孫侍御錄出

黃運虞韶外周歌漢曲前難名仁聖化善頌治平

賢金匱藏珍久蘭臺發彩鮮斂襟三擊節恍惚奏鈞
天

天恩重贈爲劉侍御尊翁賦

種德家聲舊遺經世業新成均方沐 寵憲府更

馳恩鵲繞庭槐曉烏棲墓木春驄蹄馳正驟鳳藻錫
非頻

孀壽崇封爲劉侍御尊堂賦

莫問斷機情驄輶萬里行蟠桃仙侶獻輦翟母儀旌
秋幹霜陵勁春花露浥明分甘孫子集笑止課遺經

永昌道中雪

炎方臘月猶嫌熱春風何處吹來雪山高箐密節氣
殊瘴收塵絕乾坤潔瘦馬荒村凍欲僵郵亭得火燒
酒漿三杯拍馬衝寒發還過梅花竹石岡

登蒼山遇雨

海邊洗屐路猶乾郭外提壺霧漸寒不是山靈嫌俗
客好山須對雨中看

顧憲伯署中樓成賦寄

新構層樓舊憲衙曲欄雕桷儼仙家十年北望長安

日萬里東招碧海霞雲靄紫溪連玉帶水纏黑井入
金沙山川精彩隨人發何日登臨共月華

賦得栗園送客

百樹翠重重無媒徑自通潤流分遠箐栖鳥動微風
果實收并芋花開素比松曠便征馬繫涼廕酒亭空
山月斜穿白城烟薄抹濃折來非柳色惆悵驛橋東

贈蘇帶雲次韻二首

蜘蛛懸鵲鬧錦韉來山郡花明瘴癘開梵閣連雲叢木
石蠻園迎日聳亭臺赴都稔識荆湘路吊古同憐

管樂才劒氣忽衝驪唱發風塵閒却渭城杯

其二

馬頭咫尺見金鑾此夕山城且盡歡雞足月明榆
海映昆池雨霽碧關寒揚鱗神鯉千江窄斂膝遊僧
一榻安前路逢人詢漫客爲言雙髻不宜看

陪劉侍御巡祿勸

驄馬朱輪夾道驅山城風日正清旰民稀守吏勤生
聚俗起夷童解受書水溜石溪新雨後徑迷松峽淡
烟餘羈愁不識緣何事每負弓旌卽破除

獅子山

武定城頭獅子山盤蜒峯嶺臨百蠻朝迎彩日
嘯夜遊仙仗星辰寒烟霧叢中隱蕭寺殿閣當年鼎
京市萬木莖蔥泉石芳千巒聳伏蛇龍伺勢搖溟渤
秋漢閒氣接恒岱春雲斑峭壁時常發光焰異僧幻
墨蒼苔間遠近人看驚舍利誰辨塵埃天子氣城郭
還移塔半懸事有固然何足異憶昔茅頭色正鮮狐
營三窟深且堅將軍鐵騎來天上父老壺漿出陣前
擾攘千村幾割據蕭條十載勤生聚猶存白骨蔭青
蒿時喜幘帷止芳樹英雄萬里幾人來把酒仗劍登
高臺關山四望雲千疊車馬三年眉一開

龍潭山庵

偶緣尋藥物因得訪叢林斷徑留殘雪芳枝集怪禽
石堦青蘚合竹塢白雲深憂病翛然失清幽愜素心
喜龍潭山二禪師見過

衡軒苦雨扃門坐野衲衝泥曳屐來十里雲烟籠素
笠一簾香篆俯青苔摘蔬煮糲中清供偈談空起
病骸半日浮生閒且適老懷春到未全乖

掩卷

五十髮半白心期總成虛默坐思往事撫膺成長吁
積雨親故斷欲往愁沾濡鬱懷何所寄舊讀牀頭書
書中多古人窮達意不殊虞卿浪著述魯連空馳驅
平津老更遇功烈何區區掩卷啓蓬戶青苔滿堦除

丈夫石

有序

紫薇山之陽有石以新婦名突立巖崖當大
道而臨長流品題者甚衆客曰有婦石詎無
郎石耶予訝其說遍檢邑誌并詢長老咸無

所得意古詞多有望夫石茲石良似之不曰
望夫而曰新婦者從俗談爾一日與秋元樓
用學暨族祖子化從弟孟傳同遊楊神廟遂
登烏帶山巔問產紫石英處從其陽下涉百
步堦所謂百步堦者鑿山石爲級無慮百步
樵人謂此國初胡進士故居按胡諱澄洪
武四年進士初授河陰縣丞卽其故居在此
塢恐無宅高山中理人又言楊神舊廟址在
翠微中此其行道庶幾得之日將暮不及窮

其處下山轉一塢見一石挺立當滴水高巖
大山之麓予指之曰此非郎石耶新婦石雖
兀立而頗窈窕茲石則挺然方正略無傾側
良似丈夫計其方向正與新婦石對第其地
僻巖深人無識之者嗟夫婦無美惡陰道也
男子無美惡陽道也陽爲君子陰爲小人小
人好露而常據要地人多仰之君子深藏雖
曰闇然目章而拙於自售非遇盛世明君賢
相暨察微之君子孰能識之觀之茲石可見

矣因名其石曰丈夫而作詩一章庶使後之
賞新婦石者復知有茲石云

烏帶山陽丈夫石兀立亭亭高百尺彩霞作珮蘚作
裳虹氣爲神鐵爲色崢嶸欲與五嶽齊正直堪爲萬
形式深林塢僻樵牧稀月白風清市朝隔千年不見
米生袍百里難通謝公屐四山花木徒爭妍萬古猿
狐憑浪跡卜鄰當日有胡公河陰自去無消息石丈
于今解認人胡公何處還尋宅埋沒千秋詎足驚遭
逢一旦良非適君不見窈窕臨溪媒衒身翻因得地

名稱籍又不見山頭怪硯圓如拳紫英含水清光碧
顧此稜層異鬱林豈無聲價同垂棘慶雲入苑千夫
勞灑瀕當江萬舟惕寧如澗谷絕猜疑雅似冠裳無
媚側清宵時或起龍光平世分明見鰲極海東不許
秦王驅鍊補終宜女媧得

答舜傳兄謝餽米筍之作

半筐分去竹厨清博得新詩字字精燕雀飛鳴花木
爛魚龍變動鬼神驚百年祖德慙微祿四海人情重
後生稼圃尚堪容我耦對牀風雨足論評

附舜傳兄謝白米乾筍作

年豐猶抱饑饉腸嘉

穀嘉蔬辱並將粉籜早除風節在粃糠淨盡雪花
香從知句自炊烟得難道恩從放筍忘老健圃農
還可作轉頭生計未全荒

次舜傳兄韻

愁腸得酒換詩腸短句長歌次第將事業百年生計
拙江湖千里姓名香花隨看處纖濃好棋到欣然勝
負忘春草池塘常在夢小亭芳豔肯令荒

疊韻答舜傳兄

萬一樓集 卷十二
雅愛平居氣味清容顏常似飯青精奇因散習原非
癖謗與名俱詎足驚眼底乾坤隨處闊筆端風雨霎
時生窮堅老壯由閒事牧豕乘牛未許評

舜傳兄飲山亭有作次答

袁安積雪只僵眠暑日荒亭詎易延午課探囊新藁
冊朝飡換米舊袍綿萬鍾得喪雙浮淳千古賢愚一
墓田俯仰乾坤容傲睨青尊在手且陶然

哭張江陵

寵眷三朝任重身太平今古幾元臣沉沉仗馬周墀

靜蔚蔚虞羅禹服新方進早除賢範遠祁奚內舉
聖恩頻憑雲一灑臧孫淚藥石年來味始真

萬一樓集卷十二 終

萬一樓集卷十三

諸暨駱問禮子本以著

雜詩

韻用洪武正韻

應相叔秋試後還山

銓曹雖注選桂籍尚虛名黑髮他鄉變青山故里迎
石田沙際犢茅屋夜深檠莫笑平津晚平津晚始成

咏史

孟公頗放縱嗜酒亦多愆三爲二千石至死稱豪賢
伯松良博達廉儉苦自勤雖作丹陽守家貧門無賓

萬一樓集 卷三
俠客法度士孰非還孰是國器說鴟夷盛酒乃其事
人生各有性强易俱非正君子蹈其常達人適真與
行異心同趨交情終不渝卑卑一隅子岐路泣楊朱

贈謝明府入 覲

仗劔倚銀鞵關亭酒似泉平林輕帶月曲渚渺生烟
五稔存長慮千村足社錢行旌何日返竹馬杏花前

次韻再贈謝明府

仙令趨 天闕平階見六符鼓鍾傳 五鳳冠佩點
雙鳧朝雨花盈縣春風柳載途重來旌蓋色應比去

時都

贈甘少府入 覲

解鞍纔入幕結旆又趨 宸霜落山城柳風清驛路
塵 神京春日麗列第酒樓新枯槁逢人問漁舟泌
水濱

鄭懋長回自京師

憐君挈書劔瀟灑事長征依人未爲得遇主良足稱
縱觀廣陵濤頓使錢塘輕度淮瞻岱色飛漕千艘并
薊門連碣石 天闕紫雲層主人驄馬麗客子鸛裘

清如何不半載買棹詢歸程解裝慰妻子依然留青
萍君家富文藻三世傳冠纓看君眉宇秀奚謝父與
兄鱗翅顧委戢利名兩無成窮通天所命世路多變
更承家重名行豈問衰與榮梁鴻詎非夫五噫有遺
聲溪魚磯石在牢犢春草青理釣斬渭竹肩犁傍河
桴優游堪卒歲何必遠遊行

與新安程君話別因簡雲間盛僉憲蓋程往雲
間予將北上而盛久致政云

蘭佩引杯芳相看各理裝門羅憐客散籬菊笑人忙

鴈掠行舟月琴清逆邸霜何如高臥者爐火自生光

北行別翁孝成鄭懋長鄭伯安暨家兄舜傳

玉劔芳樽對綺琴共憐萬里動孤征浮沉世路枕中
夢聚散風塵海上萍雪霽長松新月掛雨餘深竹暗
烟生明朝青眼還誰是剪燭狂歌信五更

次韻別顏傳

君守衡茅我問程行藏俱愧未成名枕懷竹帛聽雞
起劔逐星霜背鴈征越嶠千巖秋霧靄薊門雙闕曉
雲輕欲將心事詢詹尹龜筮猶然昧世情

西湖訪林懷玉憲副二首

門掩草堂深雲檐傍竹林愴離同問歲駭貌各憐心
石鼎燒檀屑瑤琴出野音倦遊君莫詫猶恐 詔書
臨

其二

城市非嫌入君家自姓林嶼梅寒有色野鶴靜多音
巨浸澄秋練高峯落晝陰苔堦留履跡何日更容尋

褊窄吟

有序

過杭謁故冢宰道不才所以久淹常調爲張

江陵銜之深每愁眉對當事者曰此君褊窄
因思得罪時 聖旨亦謂語多狂妄病固有
相因者吟以自警

聖主容狂妄元臣難褊窄浮沉二十年冠服無顏色
憶昔崢嶸氣入雲欲憑堯舜成殊勳事與心違應永
訣杜陵意拙猶臯契丈夫意氣天篤生離披阻抑那
能更 天地寬仁大猷式安知褊窄非正直一斥宗
元不再歸三朝顏駟將何爲請劔心猶壯肩犁力未
衰造命在 君相安命非我誰三槐五柳尋常事白

髮清尊掩暎輝

贈湯海若進士

老懷無可語道路忽逢君停舟一傾蓋剪燭幾呼尊
看君意氣吞山海說劍揮毫天色改禹鼎周刀漢殿
雄蘭臯芷畹荆丘彩君有綠綺琴我有偈么吟調絃
彈我曲響絕意更深風塵千里同奔走時見精英燭
星斗瓊林宴後玉堂新還識騎驢僮父否

登虎丘

一生淹左籍廿載背名山見塔神飛動停舟意轉煩

漫遊悲壯志勝境謝衰顏臺殿莓侵屨巖崖草壓蘭
岱宗雄遠觀震澤撼危欄吳越圖元壯孫劉話亦殘
舉杯延晚色匣劍扣晨關迢迢烟雲外繁愁不可刪

錫山遲湯進士

小舸橫孤劍蕭條天一涯苦寒偏怯路失伴倍思家
危堞籠斜日高枝歸倦鴉彈棋連夜客何處戀芳華

毘陵夜泊

臘盡賦歸休猶然滯一舟隔河人語雜傍郭市燈幽
風勢難成夢雨聲偏送愁離騷舊曾讀暗憶轉悠悠

觀獵

駿馬雕弓挾健奴十金爲買一韓盧如何牽出東門
去不搏豺狼搏兔孥

雨泊

雨急天昏風怒號小舟蕩漾野江臯中宵擁被思前
事鴈起沙汀語似嘲

賦得盆菊贈曉上人

孑立小盆中無心戀舊叢微微籠旭日挺挺競秋風
雅質疎籬映輕芳密院空經聲隨磬發清供一枝濃

壬午除夕

雲靄天光蔽雪消檐溜鳴寒燈照書劒瘦影怯冠纓
百年各行缺四海譏評增所恃心無愧敢云言何憑
風生才動草林鬱始遷鶯娶孤顧搗舅盜嫂或無兄
今古良不異寵辱何須驚一炊成大夢五鬼隨窮形
擾擾頭自白悠悠眼誰青禦寒重裘在涉險方舟橫
所憂周道頗能使禹跡升歲事蛇歸壑人情犬吠聲
行藏關運命貴賤見交情春風明日到還識舊茅衡
癸未元旦

四海朝元日孤臣省咎時是非雙髻短得失寸心知
殘雪迎春盡明霞待照遲扃門謝賓客不是愛吟詩
疊韻答舜傳

譽毀原無定衰榮固有時學雖爲世用道豈在人知
戀主誰嫌達抽身自愧遲海鷗從此狎多事尚吟詩
舜傳兄六句次韻

力健身閒自足憐殘冬初度轉蕭然授經性嬾從無
地買米錢艱願有年竹箭數枝荒徑外梅花一樹小
窻前門庭積雪行踪斷知是袁安白晝眠

次韻慰汝誠

丈夫同稟受誰弱又誰強霄漢心懸日風塵髻畏霜
晚成知俊偉高臥勝奔忙鐵硯還留在移將共竹房
小集次舜傳韻是日雪

詩脾春引動酒興雪添濃得失泥中獸行藏天外鴻
浮雲曾蔽日勁草詎隨風試檢賢豪傳酣歌似有功
冢宰張公招飲西湖別墅

湖光山色洗簾濃畫舫瓊樓執几從多口壯心嗟伏
櫪白頭青眼愧登龍亭依古墓梅林鶴堤跨長橋柳

陌風對景猛思詢往事飛雲歸鳥夕陽中

林懷玉憲副話別西湖有贈次答

世情誰肯惜著簪况刈著薪雉兔林舟出野橋雲乍
散琴清山閣月將沉蒼蠅白壁千年跡櫪馬鹽車萬
里心曾過王陽回馭處嵩衡溟渤愧高深

公赴任以

道遠告休故云

余見齋沈襟江

兀障層樓刻羽歌故人心事總堪多鷗波此日同蘭
櫂豸繡當年並玉珂紫禁雲開春日麗翠微雨霽晚

風和山林廊廟皆熙宇肯向尊前說髣髴

丹徒道中

高岸長河一舸輕牙琴豐劔對騷經禁嚴當路徒青
眼宦左臨關類白丁薏麥兩厓翻翠浪櫻桃百里綴
紅纓物華春晚猶多色斂衽鈎簾思轉清

揚州遇陳聞野府幕

千里維揚道孤危碣石船 恩光懷往日名姓點清

僚猛喜蠅隨驥翻疑鹿覆蕉

予舊量移府
推未及任云

漫遊傷髣

短勝覽荷風調河濬淮方定湖平江自濤兩城花木

麗萬舸管絃騎仙藥雲深觀清音月滿橋故人欣跨
鶴客子豔吹簫吏隱兼蓮幕浮沉視斗杓別筵嗟忽
漫古賦雜新騷

出婦吟

東家出婦緣色絕冢婦妬深媒且孽一時事白舅姑
憐依然綺瑟調朱絃西家出婦緣失肉鄰嫗束薪猶
未復徒令玉質負瓊聲專房計得潛自矜世間豈少
如花貌祖廟曾從三月告固知苦樂甘由人君家黑
白須認真

感事

木以從繩直珠原忌暗投漢家自有制周士豈無儔
梅熟江南雨鴻飛塞北秋防川如不潰足慰杞人憂
桃源道中

長河欣利涉尤喜少逢迎舟穩憑濤怒帆遲拂柳輕
懸厓迷舊蹟飛燕賀新晴世路由來熟蕭條未足驚
邳州道中

世味今如此離披尚北行髡疎年少訝官左故人輕
野店商舟倚叢祠梵鼓鳴夕陽猶在樹迤邐過長亭

泊徐

餽粥頗自足，猶然慕榮名。少壯落人後，垂老信所營。
栖遲詢道路，古驛臨荒汀。依依堤柳綠，渺渺沙鷗明。
逐餌竟何益，傷弓有餘驚。八鷗奚足論，一劍由來橫。
怒擲還笑拾，隱隱蛟龍鳴。

登黃樓

陸行艱，騎水艱。舟獨抱琴尊，郭北樓。古道向夷終，有
遇世情逢好爲，無求河收秦晉邊。塵遠野入齊滕岱，
色浮萬里車。書周制在，忍將冠蓋混凡流。

泊徐莫憲副來查行色自歎

客久依人慣，名微識者稀。行踪忙裏錯，地主暗中疑。
酒罄童翻甕，詩成自解頰。定知非國士，容辱問前期。
過滕縣

汶上道中

里巷渾如舊，故人今已非。堪嗟十年事，蝴蝶夢中迷。
野曠青無際，天空碧似流。斜陽歸馬急，荒聚晚烟浮。
投舍人爭席，悲歌客飯牛。風塵千里道，誰遣白頭遊。
由東平之東阿卽事

萬一樓集 卷三
闕閱荒城楔麒麟古隴蒿山程石齒齒野店犬吠
霸佐臺基在名賢祀宇高風塵同擾擾誰復辨人豪
德州渡

河自衛來滄海接原緣曾去岱峯臨問津幾抱孤桐
過斜日高城綠樹林

景州城樓標漢醇儒董子故里

今古旌賢表宅閭名城高榜漢醇儒當時東閣延多
士寥廓從誰問故居

行路難

君莫輕人賤垂翅冥鴻暫輸燕君莫輕人老松柏蔥
蒼異春草東之非少衛青奴相才侯骨今豈無華堂
賓從如雲擁道譽古今爭顧寵雅知富貴在青春爲
蛇爲龍各有辰

過孟廟

執簡垂紳贊廟謨誰輕華要重貞孤九原夫子如堪
作應道儀秦是丈夫

南鎮次壁韻

茅衡塵淨雨痕收買笑當壚玉轡頭暗數詩人誰白

高一卷集 卷十三
髮况逢從事有青州

其二

遥看直北彩雲收
知是千官散陛頭
散髮離披茅店
臥敢言無夢繞皇州

阜城次壁韻

月色常隨車馬聲
白頭猶作少年行
烟波暮雨衝鷗
起桐阜朝陽憶鳳鳴
咄咄笑人嗟鄧禹
沾沾棄世愧
君平馬前惟有青萍劍
能識迂疎萬里情

過漢毛生祠二首

樗腫楊長夾廟清
辨香束帶暗論評
當時儘盡坑焚
力不識先生腹有經

其二

澤葦原蒿兵火餘
誰甘寂寞守詩書
表章不及諸儒
在紫禁秋風冷石渠

至京

海內存孤蹇
皇圖值中興
御堤清露浥
禁閣彩霞明
當路多同輩
名家總後生
馮唐今潦倒
扣關欲何營

京邸雜興二首

已分老鄉園無端都市眠暫閒天雨甚多誤世情鮮
劔怒常吞匣琴清不改絃雅懷誰復識槐月照檀烟

其二

擾擾風塵裏方晨不覺昏候人時借馬避客日扃門
雙栢沉深院叢蘭簇小盆儘堪清俗慮何似浣紗村

次費柱峯光祿韻

壯懷同戀中興時促席渾忘日影移杞柳春風三徑
宅薔薇秋色五侯池卜居久已慚詹尹學道終宜問

鍊師零落幾人存故舊斂襟欣賞向陽姿

其二

敷猷旋拯荷 皇威負劔重思覽 德輝浮譽漸微
知已薄壯心如素故顏非鳳儀快覩雲霄遠驥力爭
雄道路違行計無成歸計在清流綠蔭繞衡扉

疊韻贈費光祿契丈

留垣清切接容威燕市重逢錦服輝詩句人傳悲且
壯酒徒自許是還非公車需次才添茂內署儲銜志
未違莫訝鳳毛多異色世家勳業舊黃扉

少壯風流彼一時飄然寧識世情移
久慙雜佩空蘭畹
慕喜詩名動鳳池
愚谷子真原可友
金門曼倩更堪師
相逢莫厭相過數
九轉誰成鐵石姿

疊韻再呈費光祿契丈

宣室徒懷咫尺威
顧瞻袍笏不生輝
八千柳厚寧辭遠
五十蘧瑗始識非
請劔風裁今古壯
彈冠心事後先違
蕭條旅邸懸孤榻
好似柴桑晝掩扉

其二

落魄三朝不遇時
惟餘衷素未曾移
琴書欲返王官谷
魂夢終迷太液池
恥向同袍稱晚學
况多異論負先師
看花總入紅塵陌
誰認玄都舊日姿

次費光祿韻

葦箔藤牀少客過
晝長其奈睡魔何
茶鑪童僕新編竹
花事池亭久禪荷
塵起侯門麟閣報
月明仙館洞簫歌
解嘲莫訝揚雄漫
魯殿秦碑總薜蘿

其二

要路閒門信所過
折腰強項奈時何
御園春日烘桃

李笠澤秋風拂芰荷激烈有懷同犬馬太平隨處足
絃歌栖栖莫訝常干祿已結茅亭倚翠蘿

次湯海若進士韻

總角英標四海聞公車此日遇 明君滕王閣迴湖
波映燕市臺高漢色分愛我鼓琴詞失楚感特說劔
氣橫汾漫逢倏別情無限南北同看萬里雲

過淮

萬里河流定千年漕運通兩淮安寢食四海集艫艫
曉色檣穿日秋聲柁鼓風笑歌新柳陌寂寞舊龍宮

屋建瓴原易城呼響自雄已知堯誕德因識禹多功
陵寢烟霞麗桑禾雨露濃客程欣利涉把酒一從容

偶見

推蓬臨小鏡拂拭忘移時玉筋纖攢筍烏雲細挽絲
巫姬行雨倦樵女浣紗遲若問宵來事幽懷祇自知

其二

粧罷重開匣抽簪復畫眉更衣初日照倚檻惠風吹
鳳舞秦樓上魚驚洛水隈舟回忽不見心事付深杯

富春道中

萬一樓集 卷十三
疊疊高山夾大江蕭蕭疎雨帶斜陽胥濤遠送千秋
月巖瀨清涵兩岸霜

至衢

日出水猶烟霞流見碧天村春輪瀑前市酤旆颺旋
郭近人間問舟停僕宴眠通津紛去住誰辨執輿賢

三衢道中

倚馬秋堪掬郵亭酒一尊芙蓉紅映日橘柚綠連雲
水曲頻經渡原平不辨村鄉關明日盡回首一消魂

萬一樓集卷十三 終

萬一樓集卷十四

諸暨駱問禮子本 著

雜詩 韻用洪武正韻

九月草萍俞山人園中賞牡丹

已是重陽後春花放幾枝人皆誇異種我肯嘆非時
始著凌霜操終含浥露姿山翁勤愛惜留薦漫遊卮

遊武夷

雲深谷杳稔仙芝翠擁丹流暎酒卮古祀壇高存漢
跡幔亭事幻說秦時梯懸絕壁峯峯麗舟溯清波曲

曲奇一日幽探千日夢肯嫌遲暮在天涯

大樹篇

樹在福建行都司園中有大樹堂

大樹將軍大樹堂堂前樹大過於堂幹陵西蜀欺古
栢根蟠東海連扶桑想當一芽初坼裂亦與萬彙同
華芳神工培養忘歲月主人愛護輕琳琅參天圍地
無丈尺溜雨凝霜齊鐵石上游八閩當要關深瑣重
城據雄宅雲飛輕散武夷春露灑遙添劔津澤琴清
鸞鳳月下翔風吼鯨鯢海中辟漫遊四表百慮降顧
瞻三嘆雙眉揚急呼袍笏當我拜忽羅尊俎催人狂

廟堂固久須梁棟疆場不獨存甘棠大材用世古非
易神物真全今豈常

至夜登寧海樓次龔侍御中秋韻

樓在漳南
守道內

風靜雲開月滿樓深冬炎徼似清秋城涵海氣沉金
柝簾裊山光上玉鈎老遇明時存直道醉酬佳節
是良謀迂疎何事還堪笑潦倒猶思萬里侯

對月次龔侍御韻

銀壺催月上竹露浥窻寒引嘯摧鯨浪讎詩煮鳳團
蛩啾聲自急牛斗氣誰看莫訝人千里關山色一般

登寧海樓

岸幘披襟恣遠眸憑欄徙席引輕甌支離朝野惟孤
劍兀突乾坤更幾樓潮上海澄溪盡應雲開天寶雨
初收浪遊踪跡渾難定白日蒼烟萬里秋

欲遊九鯉不果

武夷巖壑遍攜筇九鯉雲深路未通塵世百年真幻
夢邯鄲何必遇仙翁

莆陽道中見梅時臘月朔日也

地暖冬無雪村深早見梅橫江方默默傍驛自垂垂

清景連詩社輕香襲酒杯故園開幾樹應望遠人歸

辭漳

滇洱方傳笑汀漳更策名七年官尚舊兩月政何成
偶爲存迂拙猶令掌法程新恩真浩蕩雅志復崢嶸
嶸未盡初來意還櫻去後情山川宏氣槩文獻足儀
刑天寶千峯拱龍溪百折平海鯨春隱浪里犬夜潛
聲共喜安農賈誰真衽甲兵撫綏宜緩獄苛察似非
經當道洪猷暢私衷素望輕劔光慚髀肉鏡字辱冠
纓官署題梅閣關城載酒亭春風回楚澤欲去更停

旌

石珠菴爲蕭使君賦

石珠纍纍大如斗
驪龍寶護沉淵久
江神一日乘海濤
擁至名菴當座右
使君才大度亦大
張口鯨吞視如芥
昔時在夢今在菴
瞥見不語心自解
人生得喪豈偶然
世情碌碌徒自煎
丈夫百歲貴適志
何須紆紫君王前
菴前寶塔百尺餘
菴中寶珠光與俱
使君明德照山海
吞吐幻兆符神樞
神樞運世總大夢
夢覺神樞亦成夢
行人不必問菴名
江上雲山萬古青

石珠菴別蕭全吾年丈

漫逢還漫別
客裏夢中身
鄉思殘年急
交情末路真
遠峯晴雪映
幽澗小桃新
明日關山渺
從誰更問津

出閩

閩海馳驅席未溫
雙旌轉指楚江濱
君恩素稔容將父
家報新傳喜得孫
疎雨淡烟岡路寂
老梅殘雪野橋暎
荷亭剩有陽關意
回首千山幾暮雲

中諸公送別處也

憶閩

留滯關河外蕭條雨雪中雲霞迷九鯉津閣隱雙龍
山色寒猶麗人情別更濃何時揮短策還過武夷宮
阻雪行

閩藩楚臬路非賒短輶殘歲淹天涯非閩非楚非吾
家密雪隨風紛回斜長江如陸堤成汗僕夫寸步登
太華玉樓寒逼銀海花主人情重禮更嘉珍盤錯管
縱橫加綺筵華燭爐如霞清歌妙舞雜鼓笳意投氣
洽相雄誇春回窮谷言非差陵晨定擬乘海艦幹旋
造化寧須誇推窻日在梅枝桲陽和滿地忘邇遐

除夕次桐江

塔下祠臨驛燈前劔對冠鄉山雲外出江邑雪中寒
歲盡歸心急官疎任限寬春風如有意先到浣溪干
桐江元旦

小艇艤津亭冠裳照水清避風頻徙纜待日暫停旌
俗慎難生客村荒接廢城兒曹懷獻歲寧識漫遊情
江行贈客

相過非有約相對一開顏薄暮雨中棹新春江上山
爐紅村酤熱潮落釣磯閒莫訝歸心急庭梅老雪間

喜翁都叅得子寄贈

皎日和風暢里閭
羆熊吉夢協商衢
實需世運瑤池種
光燦雲霞老蚌珠
清白燕貽籤軸在
巖岐蛾術酒樽舒
雙魚千里歲常半
試指之無字可殊

夜過蕪湖

千里梟磯十載思
乘風一夜暗中馳
江神自厭迂疎客
不爲長年見事遲

長江

長江水漲喜春深
千里孤帆向楚潯
密雨隨波潮正

上遠山凝霧日將沉
乾坤盛世無南北
名利磨人自古今
便欲乘風遡銀漢
卻憐白首負丹心

東林寺

以下十五首遊廬山作

笑指名山不憚迂
東林落日暫停車
晉池蓮蕝空聞社
唐碣苔封不辨魚
鄰寺輕烟籠古塔
遠峯斜逕引仙居
陵晨雙屐穿雲去
應使匡君識腐儒

自登高亭歷錦綉躡雲甘露披霞諸亭

迴梯側磴接長空
不必漁郎路自通
一塔當峯標曙色
五亭沿嶂貯春風
蜀江帶繞烟雲底
晉嶠孫羅蒼

高一樓集 卷十四
范中病肺尋常思藥物竹林安得遇仙翁

天池寺

幼讀廬山高老次廬山麓登登上天池春風滿巖谷
春風亦何私地勝收偏足鶯啼雲樹深花豔藤溪曲
中庭涵玉泉時有蛟龍宿蠡湖暨巴流吞吐共淵澳
曳履漢陽峯四顧小疆壘把酒對山靈悠然失榮辱
顧有尚書期安能免征逐高臥薄浮雲羨彼林間禿

山巔

我來趁春晴朝日掛林薄躡石上巍巔逞目喜清廓

把酒弔匡君素懷如有約白雲解人意飛揚滿巖壑
冥漠散祥光微茫顯丹雘似有仙人來逍遙跨雙鶴
飄捲倏忽間依然見城郭世變一如斯漫視寧須懼
遺世學長生千古無大藥樹高劔可懸泉潔纓堪濯
酣彼甕裏春振此山中鐸優游待何時白首嗟濩落
佛手巖

又

覆雨巖端石披空似指分但能提我耳名實未須論
窈窕緣松徑離奇厥石門山僧勤爇鼎野客漫開尊

鶴唳風回谷龍飛雨出村尋常見靈異咫尺近崑崙
竹林寺

巖端空有題巖際原無寺變幻出清旻神奇佐
明世雲雨楚臺荒瑤池漢何事三讀御碑文悠然起
遐思

寶樹

瓊榦珊瑚枝浥露鮮蟠雲栖鶴幾千年看來自是扶疎
種縱落人間在洞天

飛雲

深巖淺壑總仙寰纔過林坳景更闌獨喜白雲能愛
客隨風旋繞到前山

茅菴

藥修臨清澗蒲牀頓素書杏花開滿徑疑是董仙居
火廠

含番嶺

慧照憑虛發禪燈徹夜燃鍊魔人去久客到晝無烟
岷流看未厭又見蠡湖開地迴山南北天空鳥去來
滄溟涵四瀆翼軫近三台飛動平生意慚無作賦才

楞伽院有懷南康潘使君

側履下高坪披襟憩小亭綺霞松障色銀瀑石林聲
日落村烟細風輕梵語清郡城遙在望出谷見啼鶯
白鹿書院

廬峯五老推獨雄芙蓉金削雲霄中峯前古洞蹲石
鹿洞口桃花徧谿谷谿流細行峯頭泉萬頃湖波滙
作淵流深谷窈人如玉今古詩書滿華屋夜深說劒
星斗寒峯頭氣象尋常干當時養鹿人何在大儒作
用今誰再倚與吾道日中天廢興何必說前賢山常
巍巍湖蕩蕩洞裏春風千古壯

開先寺

聞說開先勝飛流落九天香爐浮紫氣雙劒削青蓮
月矚昭明座苔侵太白篇山陰回雪棹真到是何年
赤壁呈王學憲

蚪岸蛟波雉堞邊瓊梯紺宇貝宮連帆檣歷亂迎湘
雨雲樹蒼茫帶嶽烟今古英雄真一瞬江山風月自
千年相逢樽酒頭俱白磨洗無勞論昔賢

夏口維舟時二月三十日也

漢水岷流滙一隈兩涯花柳競晴暉春光三月今過
二宵爲萍踪惜酒杯

其二

高閣臨江曙色開夕陽旋傍柳稍來栖遲自是耽佳
景不爲人無王粲才

方子簡枉顧武昌有贈次韻答之

一諾能令岱嶽輕挈舟千里意分明霜華冉冉冠邊
積塵網飛飛甌底生樓映丹霞黃鶴去江連赤壁白
雲平相逢莫問窮通事只合同吹子晉笙

其二

名實雌雄未可知江亭促席惜睽離山林泉石青雲
夢關海風塵白社思末路功名同食肋老年心事尚
憑夷延津雙劍尋常合詎減豐城射斗輝

酬武岡王

河間好詞賦大雅卓不群門巷春申舊池臺菟裘新
枚生曾擲管編簡縱橫陳一違劍履伴幾度山川雲
魚書九沉陸龍劍雙埋塵化離出柳播咫尺岐燕秦
黃鶴烟波日清湘釣父津徒令憶崔顥孰與弔靈均

不义理歸楫進退寧隨人爲我傾斗酒長醉歌洛神
七夕次馬都閫鄉丈韻

時在席上談張江陵事

新秋初霽月華寒便覺南樓暑氣殘末路多愁憑酒
送壯心無寄覓書看致身自古權爲累處世於今拙
正難瓜果園林兒女笑巧占得采望歸鞍

開舟遇風

願作雙龍挾帝舟天津上下十年浮此身原在風濤
裏更犯風濤詎識愁

馬都閫失水戲贈二首

列戟揚旌鼓噪行披頭仗劍戮鯢鯨直從江底騎蛟
出始識將軍蓋世英

其二

曾握貔貅十萬兵縱橫百戰海波平沉舟破釜非無
意勝算原從死地生

赤壁

江風山月羨黃州把酒嘉魚更艤舟總是曹瞞摧魄
處危崖幽壑斷雲浮

夜過岳陽

萬頃汪洋滙三秋蹇滯身平波風力正高閣月華新
白髮無知已丹心尚向人停樽張綺瑟清調出湘君
登君山
九江奔流瀦一渚萬頃汪涵迷四宇龍堆螺阜誰所
都帝女湘君此爲主吐吞日月浴乾坤洗磨王伯無
朝昏蒼梧赤壁明霞暎七澤三苗景氣紛一方委矣
稱雄魄四海視之乃小水秦皇空昔望三山漢使于
今杭一葦風恬浪靜隱鯨鯢荻老烟清息鼓輦一杯
還奠湘君廟常使江湖動酒旗

謁湘妃廟

整冠勤禮拜未敢薦江籬古墓蒼苔合清宮碧瓦敲
木橋秦赭遠碑斷晉題迷剩有千年意憑虛望九疑
重登岳陽樓奉邀羅中丞楊憲副

兩度高樓廿載心斜陽疎雨古城陰故人別久顏如
舊元老知新話更深湖勢連天搖嶽色江流動地起
潮音清時名勝容衰病敢對湘靈續楚吟

丘若泰年丈過洞庭挾有才子佳人壯而贈之
調作工年枉自奇百千強健幾何時竹冠舊契輕珠

復桃葉新詞蘊玉卮赤壁簫歌惟二客五湖烟水只
西施相逢莫怪顛狂甚跨鶴誰真帝者師

丘使君舟中壽所愛有作索和爲賦

縹緲琴聲綽約舟芙蓉秋水紫霞流洞庭不必傳書
客夫主新憐過莫愁

其二

女罷湘簾日上鈎笑扶殘醉看沙鷗鴈來傳得迴文

且銀箏玉案頭

其三

曾從王母到瑤池銀漢秋槎路不迷仙客但能無馬
癖年年指點拾支機

中泠館爲楚王孫題

金山連建業誰貯漢陽春本以天潢辰兼之地脈神
海門潮湧日江郭雨清塵適意非緣景烹茶且論文
陽邏道中

飯罷出叢林蕭條水一溇乍晴泥尚滑薄暮暝尤深
衰草連天濶荒雲接地陰馳驅忘老病誰識百年心
早發楊家店

密雨斜風雪勢成黃昏古廟客心驚曉來雲散天如
洗振策長驅馬足輕

孝感道中初度

弧矢當年意蓬飈此日身迷津平野雪捧日遠山雲
病後身惟骨忙中事少文高堂作何狀回首一消魂

夜赴金口驛

落日荒郊遠淒風古驛偏路迷驅馬引火盡折籬然
犬吠茅檐底鴻驚葦渚邊自憐何僕僕老未了塵緣

病後

病後逢新歲依然興味殊阮公幾兩屐楊子一牀書
年老才緣退時乖事與俱自憐無寸補猶食武昌魚

早春陪諸寮長上關廟

落盡梅花柳未黃深林古廟野雲荒山光掩映籠名
刹湖勢微茫壓大江賞遇良辰翻惜歲送因歸客倍
思鄉臨風莫訝春無賴高樹鳴鴉帶夕陽

姚方伯以陝右大叅 恩封

何事元之第簾開淑氣融四朝勳望茂三世 寵光
隆曾說南巡急爰當大禮崇震雷方燭電暝霧易從

萬一林集 卷十四
風於赫尊公傑稜層雅志雄千官同料虎一死敢輕
鴻神聖終憐直匡施肯憚工蠖藏隨運會鳳起振
芳踪赤縣棠陰藹蘭臺劔氣衝臬藩敷歷久中外詠
歌同 帝懋關西政僉歸貴竹翁遠謀仍迺芭隱德
總齊嵩虹渚流祥遠 龍章錫典重紫雲浮漢殿清
露湛周宮盛美衣冠侈禎符里巷通承家何憚孝遇
主自緣忠庭壺塵寰外幽明禮樂中潛輝天定發
懿範燕貽洪四嶽風猷遠三槐日影濃金甌百姓字
麟閣畫儀容事業從容了 恩榮次第豐如椽無采

筆敢許狀膚功

九曲亭

亭在武昌縣西山寺前宋蘇子瞻所建

巒開寺出小亭踈團練風流百世遺怪石劔痕蒼蘚
合長松虬影夕陽移羊腸末路行忘曲蝸角虛名戀
益微齊物莫疑莊叟幻古今雄達共襟期

春興四首

東風拂柳條熙日籠簾棧空館寂無營薄暮坐由日
春色滿乾坤到處花枝爛留滯負初心悄然興遠歎

其二

萬一樓集 卷十四
誰云桃與李無言下成蹊君看澗底松難與山苗齊
管鮑事已遠籛喬術何稽悠悠百歲中雅志終然迷

其三

故園浣水東山亭茂松竹固少會心人悠然泯榮辱
花開滿釣磯酒熟沿樵谷罷釣卽沽酒剩有瓶中粟

其四

窮達各有分斂戢非時乖君看公孫貴孰與董賈才
所重賢與達一顧輕九垓胡爲自結束徒令兒女猜

赤壁

旁午艫檣一火空寂寥杯酒兩霄雄霸圖消歇江山
在詞賦流傳人物改風塵老我幾翻來圖皇賦勝俱
無才江柳垂垂雲靄靄白鶴橫空日生海

萬一樓集卷十五

諸暨駱問禮子本 著

雜詩 韻用洪武正韻

王侍御花園

淹留尋古刹忽漫入名園
花豔疎籬護亭羅曲砌聯
孤琴塵久積四壁語多玄
未解忘空色停杯一悵然

宿蓬萊寺

燈燦篆烟輕茶香竹几
清江聲檐外起山色座間盈
小戍更無次荒郵馬自驚
夜深雷雨發客意轉惺惺

高一樓集 卷五
姚方伯以陝右大叅 恩封三世
虹流 聖祚彌昌會燕翼芳猷懋著時 八制並宣
三世寵百年深荷 九重知祥開 魏闕雲霞爛慶
集秦關雨露滋 側席近聞求外輔佇看 殊錫出
彤墀

贈賈弘菴憲副巡湖南

東風拂柳雨初晴搖曳雙旌過洞庭把酒問春栖古
驛程書刻漏對長檠山登衡嶽千峯伏水入湘江萬
派清若弔宗元煩爲報愚溪今在武昌城

發九峯寺

輕雲織日擁樓臺古樹崇岡四面開未得山中奇絕
處九峯一似不曾來

歸興

男兒少壯不文老不武手法縛雞氣搏虎縛雞搏虎
總荒唐白首他鄉竟何補古人去官仍去國今人去
官返鄉陌鄉陌茲時正嫁秧日暖風和趣收麥麥可
炊亦可釀釀熟炊香競相餉醉後賢愚總不知風月
誰爭欲誰讓

端陽客通山次詹學博韻

丹霞小市起炊烟僻地渾宜客性偏蒲劔新裁猶欲
試騷歌舊續不堪傳葉杭古渡江湖遠壁立仙厓霄
漢連作賦況攜名士在夜深庭樹幾星懸

泛崇陽洪

高厓關隘危欲垂驚濤歎礮聲如雷當關策馬臨古
步放舟直下如有追初疑呂梁飛流掛千尺轉覺三
峽一瞬百里背看青山色榜人爲言昨日時灘高石
露中流窄因憶衝泥夜入城淋漓旌旆輿人憎寧知

此際汪洋澤具自淹纏空館芭蕉枕上聲中生仍除
萬事皆如此滯未足嫌利何喜且罄三杯信自然豈
無壯志今已矣

小畫爲楚王孫題

攢馥團綃朶朶嬌靈根分自上林遙赤標低映春常
在肯向東籬獨羨陶

洞庭

巨浸寰區幾西南見此湖波寬天鎖定勢震霧掀疏
吞吐滄溟接升沉日月孤登樓時極目鳴劔一長呼

送張憲副入賀

黃鵠磯頭使者車，青鸞紫氣擁前驅。
龍顏遙望雲端彩，金鑑新潢袖裏書。
湯沐聯牀春草句，旨甘雜俎漢江魚。
逢人莫道迂疎客，琴劍凝塵念故廬。

九日集武昌南樓次韻

客歲登高記郭東南，樓此日雅懷同。
鐘沉古寺浮雲外，鴈落秋江暮雨中。
白髮滿巾孤憤在，青尊入手萬愁空。
明年仍有茱萸會，黃葉紛飛幾處風。

贈濟寧某隱士

代楚藩伯作隱士故弟子員乃祖官中丞

老鶴雲邊海屋籌，逍遙春色草堂收。
中丞簪笏霜痕宿，隱士琴書雪韻幽。
太白樓前新釀酒，洞庭湖畔故維舟。
一尊千里難爲壽，誰遣離羣賦遠遊。

次韻答詹東圖邑博四首

蕉夢千年調蓬飄，萬里踪致身吾已。
老結客孰堪宗富貴，原非薄功名祇係逢。
拙猶能牧豕，榮不羨登龍。

其二

擾擾風塵裏，賢愚總未分居。
官病有味學道晚，無聞冠蓋華堂侶。
桑麻表畷羣誰堪，論肺腑欲燬絕交文。

麟史成經日鵝湖論道年江河同到海日月自中天
造物經綸溥傳心典籍全末流多橫議千古寸衷懸

其四

鵬徒無風便徒然六翮張紉蘭憐屈子高枕薄犧皇
老計耽書癖生涯縱酒強他年勞遠訊竹牖倚茅墻

江行夜集

鼓棹褰裾遡大江鳴琴說劍引清商寒汀鴈落三更
月古戍烏啼四野霜青眼共憐同此夕白頭渾忘在

他鄉飄飄千里堪遺世始識奔趨未是忙

又九日集邢叅伯舟中偕吳都閩

爲愛登臨儲菊醕誰意滿城風且雨人懷嘉興天亦
憐因命羲和增節序無端千里逐行舟復令好景空
三秋聯帆猶喜逢大雅一尊同洗千年愁愁去依然
豪思發討古論今富篇札詎須著屐上高峰始足稱
奇見英達寄語東籬傲歲姿莫嫌寂寞負良時西風
落鴈偏多致刻徵流商剩有詞

江行疊前韻

明霞赤日照清江帆正簾開映碧觴葉落秋林遙翳
霧鐘沉曉日暗凝霜琴書寂寞天邊客蘆葦蕭疎海
上鄉倏去倏來還自笑白頭猶是健奔忙

登大別山

大別山頭草色枯英雄千古總蕤蕪會同江漢功思
禹鼎立劉曹世紀吳七澤雲霞迷上苑重城樓閣隱
仙都業垂不朽真誰是擬向高陽伴酒徒

偶到

新築茅堂小深扃竹榻清荳籬花半落榆徑蘚初生

秋葦沿村密昏霞隔浦明民風不須問弦誦待人興
夜行

客去尊空玉塵收片帆斜日放中流數家茅屋依疎
柳幾陣寒鴉聚遠洲吟苦坐長香篆細夢回更靜櫂
聲柔來朝勝會猶然在不比山陰雪夜舟

把酒

把酒捲疎簾江城嘆又淹恥隨先達笑老得後生嫌
蘭芷紉秋佩烟霞結暮簷獨憐官舍寂無異在雲巖
至日呈同司及藩閫諸老丈

簪笏趨蹌漏未殘營營日晏尚停殮鄉心傍節忙偏
切世路逢崎慣自閒山閣雲連寒釀雪解園葵拔暗
生蘭杜權欲示還緘默萬里論心對面難

陡寒

天風昨猶和崇朝忽增冽荒雲滿長空飄風襯飛雪
捲牘攬重裘圍爐酒方熱把酒憶鄉園形影高堂子
衾冷誰爲溫服重行無蹶二孫不解事千里音書絕
况復江漢間茅屋多鶉結無能起凍號默念肌如裂
四時必有冬肯以人情較安得縮地法化柄仍潛挈
閉門煨榾柮骨肉相怡悅春信綻梅花黃襖窮簷列
優游大塊中陽和會成穴

大雪

雲氣荒荒七澤濛六花飛舞望中雄遍侵要路高迷
轍斜度鄰墻遠趁風酒榼筆床梅閣靜杖藜芒屐竹
林空禦寒漫訝裘猶薄佇看城頭曉日紅

贈詹東圖邑博會試

密邇常驚別去輕况攜琴劍遠之京荒郊漫雪殘年
騎倦僕寒衾野店燈發縱相臣知國士好文令主憶

萬一樓集 卷五
長卿春風雙闕祥雲爛老吏江湖氣亦增

送馬參戎分守金山

雪霽江清瑞日舒登樓把酒指前驅轅門列戟連鄉
井晝錦揚旌傍歲除鯨海波平三島見燕關臺峻萬
金儲分違蓬跡俱無定安得時傳尺素書

迎春日自夏口放舟至漢口還

江上曉風清城頭纖日吐霧散高岡見鳳皇水落芳
洲出鸚鵡鼎業舊何雄賦客今何所只應服藥作神
仙白雲黃鶴空千古一舸泛中流兩涯競簫鼓春光

早已到梅花把酒呼春式歌舞

乙酉除夕

山館燒燈坐更長思轉迂遠親徒有祿漸老怕逢除
浥露依簷竹浮香貯酒盃來朝春色好何似故山廬
次武岡王新春韻二首

春風恣歡賞每記少年曾老去親知斷窮途節序憎
亭前梅傍竹池曲雪銜冰吏散扃門坐蕭然似野僧
其二

樂事嗟金谷文才數建安壯心閒處醒愁緒酒邊寬

山寺巖花動城樓江霧殘淮南徒好客未許並輿看
邢少叅遺紋牋數種走筆賦謝

美人贈我雲錦牋揭開光彩盈几筵知從東海逢神
仙剪來玉佩霞裳鮮湘波素練拖冰弦深宮紅葉隨
流泉樓修五鳳霄漢連營開八陣長城堅圖河賦洛
惟所便長安價重方千錢捧持百拜喜欲顛所慚采
筆非如椽承蜩荆棘技未專安得更肯輕真詮消我
鄙吝生精研晴窻檢點風雨暄一掃百幅虹光宣分
遺海內人爭傳吁嗟眼底誰豪賢拙拙子雲徒草玄

傑構

傑構孤亭大別巔春風送客俯晴川枯梅古寺江城
外細柳長堤隘閣邊勝槩廢興關景運人生離合屬
前緣莫嫌燈火重呼酒禹跡於今亦惘然

贈邢叅知督漕過徐次韻

柳籠烟日百花明兩岸鶯歌夾棹聲繡箔雅宜琴瑟
靜彩毫閒對酒尊清萬年國計東南力四海官聯
管鮑情莫向黃樓憶黃鶴江河一樣抱高城
得報

宿雨淹淹閉閣眠俄驚日色入簾鮮是非千古憑誰
定心事孤危敢自言賴有 廟堂憐壯節更將藥石
續衰年祇應泌浦磯頭月常笑無人理釣船

感興

萬乘聲必反二桃死以恥勝出市少年金償同舍子
古人立名節強忍各有以毋緣西山薇輕彼柳下士

由武昌抵黃州漫興

落日大江瀆塵飛車馬紛庾樓標缺月蘇壁擁殘雲
僻性一生拙汗名四海聞應慚沮溺伴高臥對清尊

漢川漫興

醒獨人嫌醉思長自覺癡行藏閭里笑得失吏胥知
野色沿城起江流帶霧馳春風隨處足歸計詎云遲

疊韻三首

白首惟宜白晝眠戴星漸浥露華鮮名污尚喜留三
寸策短猶思上萬言李廣雅無長孺戇平津不謝洛
陽年到頭得喪良多岐莫訝身如浪裏船

其二

乞休何事夜忘眠爲憶 宸留墨尚鮮不分小才能

大用肯輕君命重人言神仙平地惟高枕卿相長
安總少年莫笑迂疎徒浪跡圖書琴劍滿歸船

其三

自愛無過食與眠青紬被暖紫芝鮮鴈鴻避地殊知
候桃李成蹊詎待言小築茅堂依古刹多栽杜樹記
當年五湖此去須藏姓端愧逃功范蠡船

次署邑事觀海吳參軍韻

解組巖居道未窮歸時風景去時同離披楚岸千條
柳瀟灑吳江一葉楓樵徑花開新雨後漁磯舟鎖夕

陽中著書不是虞卿事杯酒狂歌樂歲豐

其二

高才能不鄙孤窮樽酒相看意味同空館數過驚白
雪茂林遙望見丹楓劍鳴瀚海烟巒外琴理長山水
月中青眼共開俱恨晚典衣安得更新豐

新安方同野來訪有作別去次贈

方同憲友也

曾訪余於郢中此去將尋故人於越城云

累牘單詞總大章館慳脫粟愧三湘遠遊尚帶憂貧
意相憫同懷邵老方事過終嫌蛇有足愁來翻羨蠓

無腸陳雷世路今誰是歸耦山中荷篠郎

其二

老大無情愴別離忽因君去暗生悲衾裘蟣虱長須
病心事江湖短劍知峽口繁霜叢棘路海門寒雨上
潮時還家子婦應相笑到處樓高日出遲

宮詞次舜傳家兄韻

瑤臺金屋凝芳塵歌舞生輝燕幸頻庭院年來花自
落玉顏應是不如人

疑去聲

其二

由來天上隔凡塵榮寵無方妒亦頻一顧便堪償玉
貌何須常作尚衣人

其三

別宮乞得絕纖塵女伴相邀拜月頻但願聖明千萬
歲此身不愧月中人

喜邑博諸公過訪

父老傳呼穉子驚聯翩車騎到茅衡野人自慶逢時
雨太史應占聚德星湖鱉正肥新釀熟籬花初放晚
山明不因衰病嫌粗糲每過郵亭一住旌

贈友人

急難君誰告迂疎我自知青門行徑短白髮故交稀
剪韭雲迷圃呼醪月滿溪傍巖將築室杖履可常移
初度

親在敢言老逢辰惟一寬人誰述原壤谷已入王官
雪霽梅爭發烟清竹自欒衰殘天未厭更欲激迴湍
雪中次舜傳韻

吟罷復呼酒中腸忽如結積雪滿庭除詩脾賴清徹
胡爲不自得局促如蠖蟄丈夫負奇氣豈云矜一節

四海多凍號誰能掃寒孽徒對潔白姿狂歌當調爨

舜傳以詩索曆戲答

寶劍贈烈士紅粉貽佳人新書堆滿几獨不輕授君
君無寸土堪種粟何必更問秋與春君無一事稍稱
意何必更擇日與辰悲歌爛白石行跡逐浮雲何不
日來與我共飲酒混混沌沌忘乾坤

試筆次舜傳韻

密緝如蠶尚畏疎批評無異上書初而今短管隨情
興不怕人嫌細與粗

得菊

重陽過已久寥寂無足誇芳鄰何好事贈我東籬花
風霜侵竹徑標彩陵松崖固稀桃李伴幸免蜂蝶譁
選地急培注愛護欲籠紗相看得無愧白髮從鬢髻

灌菊

早起寂無事呼童汲清泉臨軒問秋色綽約逞輕鮮
傲霜固其性浥潤尤爲便土膏脈自動人力寧可蠲
相期堅晚節枯榮能無牽揮灑薄朝露明日還復然

賞菊

嘉客期不來對菊徒脈脈客來因命酒菊亦生顏色
倚醉發清商相看成莫逆節序疾如飛花姿詎金石
請看今日容終然異疇昔客笑花無言夕陽還促席

詠菊

愛菊置坐隅默對兩成俗閣筆費評章內愧掩空牘
顧此絕世姿不與凡卉逐剩馥壓幽蘭清標映脩竹
一節擅秋風萬年賦難足安得思如陶聯編詫奇郁

喜吳廣文枉顧

絳帳遙分日月標卻迂車蓋問漁樵雄文雅調縱橫

甚高趾溫儀動定饒松阜雲邊撐老幹藥欄霜後長
新苗心期真契逢非晚乘興還能慰寂寥

睡起

避謗書空臥憂時拊髀嘆乾坤惟我老今古幾人閒
李廣奇何數廉頗飯未慳卻勞連夜夢飛騎入燕關

懷錢鶴山年兄四首

翠微精舍儼仙居柏樹新栽一萬株莫道官清難卒
歲眼前生計比陶朱

其二

春雨宜耕布穀催桃花閒放竹林隈兒童拍手迎門
笑翁自城中買笠歸

其三

疎棘叢芳護祖廬半儲錢穀半儲書兒孫競取無虛
日錢有仍除書自如

其四

一翁傲世無青眼五子承家有白眉流水小橋松竹
繞沉酣許我幾旬回

蘭亭

迂道攜裳幾度來野翁漫遇盡顏開青山千載知憐
客白雪須時故滿顛古寺叢林停落日曲池殘碣甃
蒼苔當年脩禊皆英傑仗劍誰稱濟世才

除夕

林壑蕭疎孟浪遊歲殘情緒轉綢繆事窮久負西門
辱室陋還疑向戌尤不敢笑啼瞻兩綬

適汪令與王
令交代良有

新人對舊
人之感

更添喜懼老孤裘春風夜半穿庭戶定識

來朝淑氣浮

萬一樓集卷十五

終

萬一樓集卷十六

諸暨駱問禮子本 著

雜詩

韻用洪武正韻

元旦

糾紛坱集待新年歲換其如俗慮牽主澤過優方父
命子名未遂望孫賢山村遠郭衣冠少京國無書夢
寐懸

時中行暨禘
弟各在京

謝客且將衰病託閉門呼酒一陶

然

仙吏篇贈鄺范叔

仙吏當年臥北山詩筒酒榼時往還
僊吏無端直仙去北山鶯老花亦殘
所憐仙吏尚有子衣裾潔白矜翩翩
豈惟文詞希晉魏高義欲媿連與單
不遺潦倒稱父執願我蕭寺攜盤餐
登樓記爾方總角我亦鬢黑今成頽
芳年在人能幾許壯懷逢子增悲嘆
丈夫立身各有道磊落豈在窮通間
要知宣父曾惶惶赤手高駕無輪班
九原若許起仙吏應言此志猶未闌
今年秋色無邊好席珍四海無夷蠻
橫空鷗鷺九萬里陶朱山色應難攀

元夕喜霽

開門白雪漫空舞硯凍爐寒不知午
須臾日出月更明火樹星橋擁簫鼓
天時人事本無常富貴何短貧賤長
丈夫萬年圖不朽眼前瑣屑夫何有
且呼斗酒上高堂老親喜悅兒女狂
陰晴來日未可量肯令長夜徒然央

逢人

逢人詢故舊多半入幽冥大海流萍闊
千山宿草青賈生徒賦鵬說相總爲星
有酒須頻把蓬瀛幾許登

自嘲

謝事原無祿門偏客過稀句成惟自賞金盡怕人知
草綠迷斜徑花疎見舊枝獨憐飛動意不似少年時
送先行肄業紫山院

山館吾棲久風猷今更新城隈蕭寺月江畔苧峯春
棧樸周京日鯤鵬瀚海雲承家須報國秋色上崑崙
舜傳移居二首

老年增闊略徙宅尚依人烟雨溪橋滑荆蓁里巷墮
鵲巢臨側徑竹影入清尊應笑侯門鎖花飛空自頻

其二

每移居漸遠今卻與鄰比畏盜因歸市防疴故傍醫
徑幽蘭葉茂春老杏花稀好古鄉多士攜觴復問奇
舜傳遷居後不數日又遷

徙宅應先卜何無十日淹楚筵原有醴墨突自難黔
寒士千間庇春風一榻厭少年同此志俱老未能兼
喜趙元潔除興化簿過訪

不謂衝泥至峩然冠冕新雅情今益見高志舊無倫
花徑春多雨松林晚帶雲喜逢還惜別彩舫繫通津

府召家君鄉飲不赴致席戲題

負暄老父眼糊模破格賓筵色色都兒女紛拏爭且
笑孰云好事不如無

舜傳自五洩回有作次韻

猿鶴偏於山島便名林幾度伴僧眠物情自愧非常
日山色人傳總昔年峭壁懸流飛霧遠高岡古木得
春先新詩撩我清襟動策蹇提醇猛辦錢

題江南春意卷

卷畫一梅顏傳弟以訪其友沈少伯云

孤山晴雪夜破牖幾株芳色映籬邊竹香浮野渡航

舞風時入笛乘月忽當窻千里人如玉圖將涉大江

賦得柳送客附有別東

柳條殊有色嫩綠在三春驪蹬河橋月鶯聲驛路雲
維舟頻勸酒倚劔各沾巾欲折逢搖落那堪寄遠人

賦得雲寄贈

山中雲五色舒捲詎無心護勝隨人遠依禪入谷深
從龍應待日隱豹未成霖籠去如堪贈臨風思不禁

賦得雪贈人訪友

剡艇非緣雪清幽興轉嘉酒家行跡斷漁網炊烟遮

山靜遙添色波澄凍愈華相逢戴安道不說路途賒
友人贈菊數種牡丹一本

傲霜籠日帶烟霞荏苒分從處士家莫道秋殘花已
老東風依舊發春芽

右菊

其二

靈根豔質洛陽來池館荒涼手自栽老眼若嫌看似
霧不妨留待子孫開

右牡丹

仲冬朔日對菊

晚節原憐汝孤芳更出群冰霜當至日花萼儼先春

瀟灑宜山館幽閒稱酒尊世無陶令節標格與誰論
贈顏傳訪友中州

僵臥猶嫌哄那堪千里行巨卿原有約鮑叔得無情
風雪舟移重烟雲鴈掠輕梁園多賦客應識舊枚生
題樓道人卷

雲水飄流各幾秋我懷竹帛爾何求歸來莫道俱無
得爾髣依然我白頭

其二

一卷千金百物輕鈎玄摘要總名卿問君曾遇邯鄲

否高枕仙人夢未醒

東門行贈季有慶之京師

仗劔出東門自笑還自泣堂上有老親廚中無剩粒
長夜旦何遲少年去偏急顧此昂藏七尺軀安能碌
碌終迂儒行將赤手取卿相不然亦澤千金車歸來
報恩兼報怨要令鄉里知區區

仲冬望日對菊

兩月重陽過亭亭色尚鮮人嫌時已邁我賞節尤堅
竹護階前地梅分雪後天更能勤愛護寧復識殘年

兀坐

兀坐思無聊書空暗自嘲親衰勞轉競子疾養成驕
用世奇如廣歸田致異陶腐甘同草木所愧負 清
朝

漫成

百年四海無知己萬卷孤檠有主人世泰孰嫌頗善
飯性迂偏愛隴多雲霜清竹徑禪林曉雨潤梅稍酒
閣春勳業縱能踰管葛試詢周孔許誰真

星月吟

星月明冰雪冷大家不須睡守望各持挺前日東鄰
盜如虎昨夜西鄰失黃牯大村錯愕小村愁狐狸叫
跳蛇虺稠年荒鬻妻仍食子弄兵少緩須臾死漢家
詰盜爲安民法興沉命增繁頻狗偷鼠竊非信語雛
喫蠕休翻嘯聚寧使閭閻日受殃肯令司府織遭傷
星月明冰雪冷大家且睡不須驚縱令有力肆諸原
纔免輸錢更招肯

巳丑元旦

屈強腰尤直蕭疎髻已皤世皆多鄧禹誰復問廉頗
松暖春風麗梅舒曉日和百年能幾日對酒不成歌

赤巖爲謝明府遙賦

小艇方從赤壁歸錦書遠自赤巖至舟輕載有赤壁
圖書重緘拜赤巖誌試將圖誌對磨看兩地風流頗
相似磯頭一舸大江秋清風明月昔人收赤巖終古
無人識選勝標奇明府力明府原非百里才庭空牘
捲攜琴來父老歡從子弟喜誅茅鑿石須臾開巖前
好景不勝數巖下遊人競相伍日斜賓哄鶴橫空不
必驚猜更推戶瞰幽壑登蚪龍曹瞞困周郎雄遽然

萬一樓集 卷之六
俱付清樽中乾坤一瞬薄羽化何須瑣瑣期王公今
人古人雅無別千里一天此風月安得拏舟過武夷
倚雲長嘯同披禩

遲客

平生愛佳客性復畏趨迎掃室扃門坐時聽車馬聲
方塘爲樓隱君賦

錦砌函晶澈寬平四面齊涯長俱應矩隅折不緣磯
樹繞羅幃合星臨玉局低雅懷會嘉景百歲足幽棲
元夕

燈火山村簫鼓競白頭強作少年行風生酒陌香塵
遠月映歌臺繡幕明世際太平無棄物事當垂老總
浮萍莫從京國傳消息計冊還存舊吏名

娛老

娛老惟詩律消閒更酒杯詩名人未識酒債日相催
迂拙今無比風流古效誰彭蠡如可作便欲永追隨

萬卷

萬卷儲芸閣油然日與偕折衷先魯論誌怪亦齊諧
得客疑同校憂時詎自排尚多未觸手歲月許賒來

春曉

夜聞雨方喜曉起晴更嘉氣應滋花候塵清買酒家
小園芳徑潤幽澗老松華對景思千緒懷人天一涯
雪鶴
千山飛鳥總潛踪獨爾昂藏鳥嶼中間傍梅花分凍
色突盤松杪掠寒空聲聞剡曲舟添興影落藍關馬
未通縱使津亭星日麗不隨琴僕度春風

漫興

徒負凌雲萬里翰歸來依舊一身寒文章老婦簪花
朶仕宦鮎魚上竹竿不愧天人心自定無關寵辱夢
尤安癡欵所慮惟多病每得方書仔細看

禽犢

禽犢心彌切難爭造化衡愁來謀愈拙菑退藥方靈
粉蝶鄰墻舞桃蹊要地成老年無一得所賴世情輕
清明將掃墓忽動階梯菴之興中途阻雨因入
西嶽寺候晴

彈冠因拜墓忽作看山行好雨濡遊屐荒村阻去程
午飧尋別寺春酒出茅衡世路俱如此前期詎足憑

雜興十首

纔見梅花發蹉跎又暮春乾坤一塵局今古幾閒人
道在窮何病機忘懶是真惜陰無限意慷慨付清尊
其二

奇數功名薄身閒心事寬獨行山徑寂群語野人歡
雨過溪流暢烟清竹色纈煩愁塵埃外欲入總無端

其三

曳履尋花陌移牀傍竹檐久無當道問新喜後生嫌
山閣雲遮棧溪橋柳映簾不緣人事斷安得日詹詹

其四

陸賈裝金盡春衣日有情晚風牛背笛夜雨釣磯燈
覓句忘迎客修琴偶入城營營亦終日所少利名爭

其五

五尺應門慣餘閒競落暉醫坊賒藥去僧寺借經回
閉閣尋常事留賓發舊醅仙遊如有術更欲與追隨

其六

經濟非吾事痾鰥若在躬征輸聞直北優詔想山東
雍絳秦舟役萑苻鄭澤風嘉謀多肉食俄頃奏膚功

其七

歲熟民瘼起村幽俗事稀牛羊群虎臥燕雀傍人栖
水長魚知候林深蕨趨肥寄聲催稅吏且莫擾豚雞

其八

小築當溪曲流泉六月寒鳥聲孤墅遠樹色四鄰寬
俗謹雖防盜時清不識官翻思鍾鼎客名節幾能完

其九

市密無生客經過競指名 廟堂誰定論月旦此真
評索對棋低易提醇量窄輕狗屠不我棄混蹟又何

驚

其十

萬事有乘除何妨久索居清溪五柳宅白首一牀書
對景吟梁甫因人弔望諸華陰方自重當醉莫騎驢
自笑

古人多沒沒飲者留其名嗟我不能飲而亦博虛聲
天子不爲愕宰相不爲驚徒令曉曉者睚眦乘風

霆

夏日自嘲

日永窻虛小簟涼
申腰一覺到羲皇
酒徒作伴忘賓
主書腐謀生雜聖
狂禮法豈爲吾輩
設利名偏使世人
忙長遊擬荷劉伶
鋪死葬要離古墓
旁

其二

心定身閒暑益涼
翻嫌尼甫亦皇皇
多情白髮忘人
鄙到處青山愛客
狂樹繞藤蘿遮屋
徧花催蜂蝶隔
墻忙暗中猛擲無
奇寶橫棄何疑在
道旁

其三

世情何處不炎涼
千仞翱翔說鳳皇
一息清閒當是

福百般雄略總成
狂會心人少尋書
證應事才疎覓
句忙卻笑莊生蝴
蝶夢經年不到玉
京旁

其四

清虛亭榭自生涼
不以塵襟對赤皇
閒守園林猶磊
落老懷竹帛轉迂
狂晚來問月停杯
久曉起看山拉
客忙何似五陵豪
邁士笑歌終日劔
鋒旁

鄭隱君書齋

短徑栽花不數株
簾櫳日色映圖書
坐來意氣吞金
谷卻怪靈均更卜
居

以羊肚石贈鄭隱君

奉石離奇出海濱小齋十載對如賓君家錦砌多標
格移置行看勢入雲

王明府禱雨有應

一雨濡焚萬姓蘇琴清庭鶴亦歡呼不緣政首群英
出安得仁先八邑敷槩浦水迎胥漲遠蠡巖春映禹
城孤村莊客到頻傾酒共計秋成早上租

悼王上舍

宿草凝塵碧瓦苔音容每想在書齋一言卽漫千金
重半月憑疏十度來斜日啼烏悲拱木西風落葉滿
荒臺郊原纍纍牛羊牧誰復從中辨美才

悼壽別駕

望族名賢幾抗宗破荒天路自君雄扶搖未盡垂雲
力華表徒瞻落月容烟雨江湖秋鴈隻榛荆山徑曉
霜重鬣封紐石三年空薤露雖晞淚自濃

漫興

名利津涯幾百尋守真只合在雲林人嫌用世渾無
補我愧入山猶未深秋菊滿籬承湛露晚蛩四壁混

寒砧傳經抗疏俱成漫惟有登臨慰夙心
催菊
含金包玉競秋風纍纍如珠浥露濃明日重陽有佳
客可能速夜發芳容

遲菊四首

菊節誇重九節過花未開傲霜真性在詎欲待霜來

其二

榦瘦長過額標齊動嫋風何緣開不易云是狀元紅

其三

固數陶籬最先從楚畹芳落英真可如何必在重陽

其四

葉底含霜蕊遊蜂尚未知塵清人意淡此是賞秋時

次鄭隱君韻

知己難逢遯亦嘉不因拊髀嘆年華座虛小榻邀詩
客門映寒流帶酒家山色入簾爐篆細鴈聲驚夢月
痕斜秋懷欲向樽前賦數遣兒童問徑花

有感二首

危忘心似面別有淚沾巾石也猶生我棖兮畏厭人

防川勢必決憎主事之常鄭相存鄉校宣尼昧練牀

觀社

田父山童總若狂衣冠老我亦顛忙村籠雲日旌旗
烟隊擁龍蛇檠戟光小聚風流過郡會太平樂事荷
陶唐愛民憂國多當道猶疏災荒上廟廊

一對菊簡鄭隱君

幾盆俱纍纍先放一株紅嬌豔霞飄遠清芳露浥濃
閉門防手觸埽地卻塵蒙專待高人賞過從訂日中

小菊移自鄰園二首

花垂枝更短起自草茅中分置堦前地隨看勁晚風

其二

種種過人額含羞未吐芳尺餘花已爛此是短中長
以詩期鄭隱君看菊君至而余適他出疊韻遺

之

湖嶼烹霜紫村醪貯玉紅花神需客旺人意得詩濃
晉世琴歸阮吳儂目聒蒙有期成錯誤孱寂雨烟中
鄭茂長攜榼過舍看菊兼示乃翁手卷爲題其

後

世俗眉多白尋常思入雲
要鎌憐老友手澤重先君
嶰壯村醪熟霜清徑蕊新
一年佳候幾相過肯嫌頻

石新婦二首

有序

石近寒舍在紫薇山厓楊鐵崖近體一首人
疑非其真筆又石婦操一首自註曰卽望夫
石在處有之而語尚帶唐人口脞人謂此操
亦以詠此石耳又謂此石亦邑中一奇鐵崖
公又邑中聞人不當無一詞繼其響也因擬

二首

石新婦夫何在兀立巖厓閱千載閱千載名猶新夫
不回步不改補天曾謝女媧時肯爲秦皇輕到海遠
人歸喝聲采

右擬楊鐵崖石婦操

其二

石作形骸鐵作心溪邊凝望歲時深烟波洛浦輕塵
斷雲雨巫山幻夢沉草色萋迷聯絕壑鶯聲嘹唳度
芳林行人縱返終無語碧海青天太古琴

崖石新婦律

右擬楊鐵

萬一樓集卷十七

諸暨駱問禮子本 著

雜詩

韻用洪武正韻

族叔以貢士上京謁選

壯歲雄圖老未申
更攜琴劍問京津
舟開江渚驚栖
鴈馬度關山帶
斷雲河柳凋傷
春意盡驛程寒
廓暮烟新彈冠
莫羨人年少
秋水芙蓉遠
陌塵

族叔省祭限滿謁選

叔氏舊頗富近日少減故首句云云

端居亦自蕪田園
結束何當涉世緣
有子已堪承舊

業無官終恐負名賢路逢偏側疲驢穩時值嚴寒短
褐便春色漸看天外動只應快著祖生鞭

族叔上京從事

讀書讀律總圖名殘歲嚴程喜逐兄縣解十年琴月
冷京塵兩度劔霜凝高城梅闕晨鐘遠小邸邊衙
暮雨零桂玉莫嫌頭易白幾人牖下髯常青

三族叔同赴京

鴻鴈穿雲北斗華裹糧并僕寂無譁清時爲客多三
士遠道逢人羨一家古柳長河流落葉短帆斜日逐

飛鴉白頭戀主心彌切翹首行踪萬里遐

次朱融甫韻

有序

融甫以海變僑寓府城歷館諸名家來訪出
舊藁道故索和且云有河南行色悵然次之
水落霜清澤國秋邊溪小邸寂何求漫遊不作囊空
計僑寓猶懷海嘯憂紫石英綠雲壑長胡麻飯夾菊
花浮相逢莫道先年事轉眼朱顏換白頭

其二

窮經屹屹老年龜魚金鷄裘不愧天鄭圃著書周禦

寇陽城積學漢劉焉焉寓陽城山積學教授看雲未許酬初志
嗽口猶堪洗宿愆他日梁園風雪霽激商枚賦倩誰
傳

陳還冲按察貴州

舟車雜踏羽旄輝把酒臨岐鼓角催老我漁樵同草
木羨君竹帛滿邊陲飛雲結綺盤螭紐疊水翻空吼
地雷魑魅暗消形勝陪舉頭 燕日照深杯

新正卽事六首

獨寢不成寐通宵聞雨聲地爐存宿火山館促殘更

世路波千頃塵緣棋一枰卽醒還是夢先覺有莊生
其二

獨立庭除悄常閒興味玄田園容我老詩禮問誰賢
雪霽梅迎雨風輕竹帶烟腳跟原自定那肯復蹉躓
其三

獨坐樓扉敞春光獻歲鮮祥占連日雨凝望徧村烟
客斷尊壘屏山連鳥鵲喧百年前席意欲語愧陶潛
其四

獨行何所往水畔與山阿漁父方停楫樵人欲爛柯

高一本集 卷十七
癡猶知米價老不減詩魔歸路乘餘興歌聲振薜蘿
其五

獨吟非述作聊自寫襟期當路忘衝節良宵起索衣
喜無陶手壓轉覺沈腰肥不是陽春曲胡爲和者稀
其六

獨酌酬孱寂微風拂几筵雲烟當晝捲簫鼓四鄰喧
顧影邀明月遊神到葛天煩愁憑有擔不上醉人肩
對雨

入春半月雨絲絲眼見梅疎綠上枝暖酒爐餘皆長
物對棋客到是忙時松蘿疊障圍高閣簫鼓花燈鬧
古祠安得雲開風日麗小橋深徑覓新詩

新正展先安人墓

新歲松楸自寂寥藤蘿盤結草周遭遠山積雪紛銀
浪高樹凌風捲素濤破屋空依僧寺廢亂流灣繞竹
莊坳迂疎垂老無勳業深愧淮陰志量豪

鵠舉

鵠舉庭空久羊亡牢補遲碧雲迷曉墅青藻轉春池
棋局閒中動漁竿醉後持桃僵能代李瓶罄還羞甌

看劍有餘恨借書寧讓癡才罷志多阻身退名寡知
童僕嫌貧懶田園冒歎治遊惟隨鹿豕卜豈協龍影
弧矢百年在神魂千里馳

老廢

老廢人皆棄身閒道未窮蓬蒿緣砌長桃李出墻濃
鄰識東家鄭兒存北海融應門不解事驚座報陳公
讀書篇寄舊友

老年讀書如秉燭日月無光燭火續燭光所及能幾
何猶勝昏昏坐幽谷回頭卻憶少年時漫舞干將驅

駟駟胷中無物動作疎到處蒙譏遭躓剝只今方味
典籍功大海無涯歲時促丈夫生身宇宙間分與乾
坤同覆育蹉跎百歲枕隙中白首林泉抱黃犢讀書
學劍兩成空萬事撐舟上平陸門前忽報故人來六
月清風動脩竹張燈剪韭夜未央冒雨侵晨唱驪曲
人生別易會何難青眼還誰回白屋閉門依舊理殘
編小砌花開映塵鞮日長屹屹不爲罷姓名疑在神
仙錄

慕蘭爲錢伯升賦

有引

伯升世醫且好琴工書慕蘭其別號云

前人藝蘭蘭正茂一夕西風和雨驟後人藝蘭蘭更
宜疎花密葉分外奇前人遺種後人慕國香自欲當
庭戶九畹寧須楚澤分杏林十里增清芬君不見右
軍蘭亭當大路抱琴君過春將暮操成捉筆寫黃庭
滿山花發池鵝驚花繁種種薔薇色爭似君家清繞
室依依詎卽不聞香綠樹烏啼紫霧翔

虎子行

有引

時鄰有畜一獸曰虎子也余見而喜走筆賦

之

量度身軀纔尺咫儀形頗與烏圓似未張牙爪氣已
雄笑指驚看羅孺子銀樽寶榼稔生芻鐵圈琳欄瞰
雕齒珍畜何疑過四靈爲憐虎子虎父生虎父山中
當絕巘天風一嘯千巖清豈惟狐兔失三窟豺狼遁
跡大道平世間萬物有種族莫以牢籠想林谷避霧
終同豹變文渡河會見龍離瀆惟願常懷此日恩不
向村前噬黃犢

悼虎子行

有引

不數日人報曰烹之矣疊韻悼之

虎穴樵居去不咫樵夫視虎牛羊似日斜雲外負薪
歸赤手入穴抱其子毛血雖乾未露睛乳口纔張已
釘齒英物天成性自靈踞牀一吼風將生買到傳看
人盡喜柙置廡底塵爲清作勢終朝驚李廣宰肉忽
使隨陳平橫行山中無二族出山聲價騰金谷生當
首籍通上林死豈尋常棄溝瀆守錢儉父知不知但
向人前詫駒犢

假虎子行

有引

又數日人曰狸屬非虎子也疊韻自笑

世間真贗寧尺咫古人惡紫與朱似但說狐能假虎
威詎意狸堪充虎子瞥然一見肉眼迷健羨經時掛
吾齒歧蠕百物無蠢靈天覆地載同有生經存山海
志未悉圖畫卽巧那能清人情況也多嫉妬是非美
惡誰能平卽非虎子亦虎族跳浪惟宜在山谷遭時
無故出人間指點縱橫入塵瀆尋常得力免猜疑勸
君但養駒兼犢

兀坐

兀坐每成睡出門無所之已爲天地蠹寧作古今思
語過意隨忘客來喜可知世情蠲欲盡取次及吟詩

對雨

當晨川上雨田父盡眉開莫濕門前路致妨棋客來

自嘲

胸次本無奇經經不可移避讒因遂僻遭躓始知非
東海波常定南山豈更肥優游堪卒歲高自詫黃犧

鄭懋長病後有作見投次韻答之

病後多君思有餘翩翩佳句慰離居沿村早稻登場

候薄暮新涼入幕初菊茂蔭盈苔砌綠月明清映竹
簾疎漫嫌風致終儒素不負柴桑舊隱廬

其二

父遺詩書貧亦足子勤稼穡老逾閒身惟玩世葆光
臥意在延年努力餐染恙始知多白眼得痊寧惜損
朱顏莫嫌造化令人苦生死於今透一關

其三

平時十日五爲歡兩月新詩只自看人道翟門真客
斷我知沈帶惡圍寬困來世事俱成夢健後遊情豈

遠聞爲報磯頭同釣處苔滋疎雨路方乾

生孫

有序

中月得兩孫共前五孫矣因思前兩孫原連
月生今年已十三而兩孫女生亦連月皆長
男生者爲感唐人兒女催人老之句有作

參差兩月兩生孫十二年前事並論就傳仍堪同挾
冊騎牛終許偶過村添丁不問誰眉白催老寧辭我
日昏景入桑榆真樂幾謾呼鄰叟一開尊

秋興

袖手坐終日談詩挹晚風喜閒身帶疾得客道忘窮
野曠秋收畢山明落照濃雲端書訊斷邊塞未飛鴻

聞邊警

整歲尋樵徑逢秋動釣綸蓼花紅滿澗楓葉赤聯雲
野渡航橫雨村莊路斷塵冕旒懷北闕輦鼓說西秦
宿有亡羊恨終無跨鶴因得隨征虜騎還草諭巴文

九日登高

少年跳浪詫豪粗此日登臨已待扶塔古路迷樵客
指山空寺廢野僧孤鼓輦消息當關振閭里瘡痍望

高一本集 卷七
歲蘇莫對茱萸問強健總無尺寸補 皇謨

大塢新菴

禪關新結構節候共登臨槩勝終難祕茅開始得尋
霄昂霞障列鬼鑿玉巖參遠眺天圍闊幽栖地局深
祇園寧足擅盤谷甫堪任翻愧沉淪久仍兼衰病侵
已多陶令菊所少伯牙琴蓮社秋光老藜燈夜氣沉
著書年冉冉種藥晝陰陰便欲分雲臥高眠聽梵音

喜錢鶴山年丈枉顧

不憚塵埃跨一驢遠從山市問幽居白雲紅樹窮鄉
社疎雨寒燈糲飯孟世路險崎同斂跡歲華荏苒各
看鬚十年兩晤隨旋踵肯以迂狂發藥徐

黃兩高按察六句

我年六秩掛冠歸霜華入髯顏無輝羨君今年方六
秩先我辭榮髻如漆我才違世斂則宜君胡爲者顧
委戢麟翅亦爾空神奇明時自廢漸拊髀古貌人鑒
惟知皮近聞鞞鼓關西震夢裏長驅陷胡陣馮唐魏
尚不相知 天子猶然想廉藺節近重陽風露清東
籬菊綻垂金英槌牛刺豹薦玄醴岡陵祝頌多名卿

笑我迂疎畏城市野贄無能貢雙雉如椽大筆光我
廬對此遙瞻近疑咫尺百年開口幾千場艱難不朽成
披猖沉酣自是長生訣肯問當年枕中說

對菊

綠葉黃花競晚晴亭亭對我酒初醒冰霜節操寒方
見雨露丰姿老益清脩竹籬邊三徑舊枯梅窻下一
叢明名園近日多新態寂寞柴桑落故英

久雨四首

昨日滿望今日晴開軒依舊雨陰陰鄰翁莫問來朝

事此日還同昨日情

其二

四郊昏暗苦潺湲兀坐空齋意自閒縱使晴明扶杖
出荒村無客共看山

其三

冬深霰潦自秋初千里淹淹日似無袖手高樓猶畏
濕荷擔何況在長途

其四

早潦相仍理自然桂薪珠米未須煎明年得免雲霓

望始見今非大有年

苦雨

兀坐對檐溜淹淹日無休天心不可測慘然生杞憂
我聞太平世和氣通九州五風十日雨天人同志尤
今日果何日晝夜寒雲浮霽灑三月過滲漏無綢繆
飢寒歲且迫何以供征求 聖神御皇極輔佐皆伊
周羌夷且奉法況此良吏陬連年遭水旱四野無全
收乃今復爾爾凋瘵誰能瘳老年不任事娛意少良
謀所喜兩足健雙屐穿雲遊一日不出戶四壁蛩啾

啾寧能常抱膝待月徒登樓丈夫負琦瑰調燮理所
優不然任一職肯使赤子溝按劔理舊業拊髀生新
愁陰竇開非策陽石鞭無由莫大非天地運育猶多
庾人情易錯誤雜揉容免偷早因孝婦死霜僭烈士
囚一物不得所沴爲萬物戮茫茫霄壤闊此義憑誰
修天閻不可叫天意何當酬

悼族弟克中

弟亡不及葬其母

葬母吾言切胡君似不聞牛岡終未覓車榔更難論
兩樞飄風雨孤嫠值戶門非無他骨肉誰復辨周文

謝鄭懋長書門聯

添我門楣色龍蛇走宿儒老猶勝耒耜貧不少詩書
奕世科名盛傳家節槩殊報瓊惟短句相笑兩成迂

除夕

丈夫學道術本爲用世資況際昌明會偃息豈其宜
時命有順逆屈伸無賢癡達人從所好一語萬世師
顧此百年志夢寐常惄惄黃河有時清壽命難與期
一日何其長一年駒隙移崢嶸歲忽暮髮短心自疑

元旦

今日猶昨日新舊何頓殊少者得歲智日長我老歲
減趨昏愚丈夫違世草木腐縱令得歲翻增迂眼前
兒女競鮮潔翩躑拜舞差足娛婆婆老父顧且笑瓦
盆酒熟何有予把杯自慰還自祝百年蝶夢常蘧蘧

新正寄顏傳

舉世愛少年世亦誰不老所爲公與卿無不置身早
我老才更迂出處俱草草君才卓犖年未齊胡亦時
常愧妻嫂君雖未老世老君試指九原與君討漢老
起公孫後則宋有顓臾之雖老宰相才引手虞淵日

杲杲世事悠悠今古同眼前碌碌何足道歲獻東風
入我廬春草池塘句偏少祖宗積德發有時聊寫新
詩豁君抱

喜鄭廷棟妹丈至羨二甥方在飛騰之會走筆
贈之時燈夕也

一日不見如三秋十年瞬息霜滿頭固雖中間消息
不全滯由今思昔如隔世相逢道故各怡然升沉顯
晦何足言總角諸英突已弁椽筆生華當路羨丈夫
有子如此足百年何須瑣瑣詢田園君家孝義世無

比文章緣此雲霞起科名近日復昂霄行看彩翮相
飄飄豈惟勳業 皇家暢且爲寒門成宅相月明燈
燦酒尊芳高歌一曲簫鼓降驪駒明發不須快強飯
高眠遙可想登堂定約桂香時爲寫河東三鳳詞

贈顏傳次韻

世態新奇詎足吁收書金盡樂偏餘執綬不詭追風
範按劔憑讎賽月珠士自有常貧匪病人誰無過罟
爲噓最憐古句多遐思卷土重來未可知

登山

凝望常疑日月邊飄裾忽漫上峯巔綠知世事無難
易只在乘時用意堅

蕤蘭

虛畹經年覓蕤蘭閩山楚澤問俱殘寧知只在長松
下荷鋪移來指顧間

賦小院花

名園大樹裊東風幾藥盈盈小院中莫向尊前嘆消
索等閒開落總相同

得梅

莫怪追尋遠由來意氣傾無花能並歲有實可調羹
幾樹垂垂發孤標款款迎瞻依殊不俗肯惜酒如澆

其二

看去殊多致折來尤見清蘂薰銀管馥枝嫋篆烟輕
夜案隨燈燦晨窻帶月明兒童勤愛惜時展護風屏

悼樓生

隱隱才名藉俊標昂霄聳壑意方饒未諳姑性厨中
婦擬報公車死後交鵬至已知占日策鹿亡猶憶覆
時蕉庸庸多少空頭白莫怨脩文早寂寥

偕陳封君爲乃弟相墓地遂飲渠山莊
遠尋古寺指長松徧歷荒村憩短叢獵較我思追魯
聖首丘誰復說周公湖波倒湧迴風急山勢高擎落
日紅醉後不須論郭璞酒經新著葬經同

雨中簡顏傳兼博陳茂才一笑

我家兄弟惟汝良有財能散空如常少年解作鸚鵡
賦老猶無路趨明光進多按劍退寡與入室獨有陳
元方不惟德藝相摩勵八口每藉忘飢荒今年天路
坦如席夏課莊村股同刺丈夫立志有如此人事天
時豈難測慚予亦作老書生曉雨臨窻讀周易偶感
盈虛理自然漫寫新詩了忘僻

酒後次顏傳韻

老年無好態得酒卻多姿令禁驚新客詞鋒破銳師
爾遲騰石夢我剩借書癡斷送惟憐此更深詎足辭
喜樓伯章締昏得傳子容女學師主盟邑主助
聘蓋一時盛事而昏期定秋試後云

壯室未爲晚因親況可宗梁生原擇配顏女肯違翁
種石曾成玉牽絲且得紅他時因謝雉此日詫乘龍

當路憐儒素名宗振古風佳期不須問折桂到蟾宮
西施次韻

苧蘿山下弔西施千古興亡酒一卮垂壁暫迷虞伯
去烏騅單逐項王馳樵村浣浦烟霞致舞館歌臺雲
雨思吳越兩邦誰是主笑啼難處得鴟夷

芙蓉次韻

到處秋容映素屏山亭風日綻寒英清芬未必輸三
徑豔冶真堪易五城寄遠涉江詩作使伐愁紉佩酒
爲兵少年多少疎狂態潦倒相看倍有情

金鳳花

染指頓添弦上色顧名擬作管中聲

苦雨

歲晚嫌多雨春深尚未晴嚴寒侵瘦骨餘滲慘高檠
清問鄰家斷繁愁永夜增災祥不須論帝總爲蒼生
喜晴

昨夜燈花焰懸知天氣清琴書收宿潤花木吐纖英
鳥雀飛鳴意芻蕘鼓舞聲來朝識何狀曳屐且郊行

已自

已自飲狂泉親知尚未然言辭徒少味動履率多愆
學噪鴉非鵲矜飛燕比鳶不如安風昔坦蕩任心田
送邵秋元

雪晞風暖四山晴萬木蕭疎大道平童入市門俱識
價酒清茅店自懸旌溪流遇隘行猶順竹箭經寒色
愈青對景送君還勒馬一杯難罄百年情

萬一樓集卷十七 終

萬一樓集卷十八

諸暨駱問禮子本 著

雜詩 韻用洪武正韻

贈陳茂才東歸三首 後二首次顏傳韻

自是程門立雪英問奇亦上草玄亭豹文隱霧崇朝
變鵬翮垂雲萬里輕舟泛浣紗興古弔書來玉筍動
時名秋風奪錦能西顧栗赤蕖芳菊酒清

其二

離亭日落亂鴉歸促席飛觴去馬催山勢南來當市

立溪流東去遇潮回數奇有弟還添我好學除君更
問誰秋近不須論夏課萊衣常傍董生帷

其三

密邸深更蠟炬然五車當讀趁青年九熊雜肯萱暉
藹簡騎籠綃柳色牽賈誼自宜賢守薦君平曾爲俗
人占欲知別後迂踈狀時展雄文對客看

端午卽事

佳節幽居總是閒壺觴此日致偏繁臨軒雨霽逢歸
客登閣雲開見遠山魯論官卑功未究楚騷廢久讀

方殘白頭不分人多鄙猶學兒童佩臭蘭

有作

猶作雕蟲技蹉蹉擬太玄素心無可寄聊以度殘年

病起

久與琴書間仍親倍有情暑隨新雨退愁逐曉雲清
交盡曾誰問圍寬暗自驚依然誇老健往事詎須憎

撥悶

累俗誰爲伍書空自破顏生多無影謗老作有妻鰥
熙日籠烟霧長松蔭蕙蘭萬緣皆命定安分且加飧

大雨

炎熱連朝意欲狂，沛然一雨送新涼。
雲從絕巘出無盡，瀑掛巍巖奮更長。
潮上錢塘轟萬馬，氣蒸夢澤混三湘。
乾坤大用原如此，自是人心見不常。

楊二尹辭 闕有作次韻

朝端一日彩雲生，萬里雙旌照眼明。
共詫福星臨下邑，獨憐國士未專城。
勿論龍劍英英氣，且有綈袍戀戀情。
棘常留鸞鳳趾，皇風終拂草廬行。

觀社獨坐水隈口占

本尋芳豔路，何意得清幽。
孤店臨長岸，丹楓映碧流。
樹高寬避日，沙淺曲藏舟。
少選人爭集，裝成十里秋。

大江東去贈顏傳

丈夫逢世論，勳猷肯讓唐。
虞人物獻賦，公車仍報罷。
漫說圖書四壁倪，子犁鋤桑生鐵硯。
且臥袁安雪，歌聲金石可無前。
哲英傑。○知否江渚芙蓉門，墻桃李。
各得時方發，龍劍光芒射斗牛。
能向暗中磨滅馬，援才宏公孫遇驟。
何怕生華髮。此衷誰識滿庭芳草明。

月

萬一樓集 卷十八
三
催十月菊

千紅萬紫爭春夏寂寥籬徑甘居亞
燦爛秋風處處鮮猶自含英如待價
一年好景能幾時蜂愁蝶去霜華滋
固知花晚節更勁其奈歲老人多疑
舊醅新釀儲百斛蠲紫橙黃蒨魁熟
已邀傑客擁歌兒奇豔寧辭映朝旭

疊前韻

人間冬日如長夏盈杯總聖誰爲亞
臨軒日日待花開況有新詩紙增價
爲問花神今幾時盈盈湛露徒

自滋豈爲主人異陶令欲開不開遲
且疑落英楚畹思千斛寒館惟君相
見熟爲須連夜吐精華莫令再負階
前旭

再疊前韻

高標直比黃公夏柴桑已後俱難亞
憶昔長安尚少年買斷秋容不知價
年老兼花亦失時小庭瘦幹神徒滋
馬援多才成較晚陽城有待爲何疑
一開定識春千斛不比尋常見來熟
風高雲霽天氣清竹亭檀鼎迎新旭

時明府入 覲

典肅三年會旌揚萬里雲漢官推第一周治賴維新
送酒籬邊晚傳書冀北春逢人詢側陋莫道草盈門

又 代作

一綬垂三邑雙鳧入五雲衣冠舟次集玉帛 闕前
新浣水朝宗勢燕山邈迤春無能階漢計深愧側龍
門

菊開招顏傳

菊本爲重陽十月非其節曾經五月開少遲何足說

主人性太急朝夕催不徹佳客薄青雲新詞徵白雪
今日果何日深宮羅幔揭英攢金錯毬芳襲絞綃頽
花旣解人情人可孤花絕瓊玉洗雙舟錦牋疊千折
君來一燦然柴桑讓風月

賞菊疊韻

階除冷落無冬夏凡事輸人總居亞獨有寒香十月
開東舍西鄰酒增價先後榮枯各有時早發寧如寒
歲滋眼前花卉尚如此以才遊世夫何疑惠連詩思
真千斛其奈公車放回熟夢見猶然得句佳況與殮

英對清旭

遊正覺寺途中口占二首

木落沙明白鷺飛
布袍皮履覓山蹊
眼中天地時清闊
身外古今心定微
賦重相如曾駟馬
道窮孔子亦醯雞
林泉未必真枯槁
乘興長探萬物齊

其二

借榻當年詎記秋
攜筇此日更尋幽
路盤谷口磬高樹
橋跨山腰瑣亂流
松下逢迎稀舊識
霧中蒼莽見新疇
巨巖對我仍蹲踞
不敘寒溫只點頭

山有一指

不以指點之卽動

對菊

兩鄰各種一籬花
西鄰燦爛東無華
及至東鄰花正發
西鄰零落侵泥沙
世間萬物總如此
失何足嗟得何喜
主人有酒客有詩
不歌不飲花應恥

悼趙尚書

聖主臨軒待老臣
寧知當路斷行塵
壺頭炎瘴連箕尾
麟閣英風返嶽神
沉顯一生惟直節
始終陸學任天真
中原未必無司馬
誰向東南問隱淪

贈龍學博會試

代作

乘傳方從蜀道還更驅車騎入燕關御園春近花枝
動絳閣冬深雪意閒盼路戴星杭古渡望塵攜酒上
高山長歌固是傷離別轉憶蠅隨驥尾難

又

代作

絳帳春風暖銀韉曉雪殘望雲親舍元就日 帝城
環對策瞻 楓陛傳經憶杏壇臨岐一杯酒衷隱薄
陽關

又

寒江挽棹罄離卮喜見梅開第一枝指日上林春色
麗泥金先向浣城馳

賦得梅送人會試

淑氣催桃李奇芳早放梅他時調鼎實此日擅春輝
月影原多致冰稍豈待培江南推絕色糝次壓宮眉
賦補騷詞缺梁瞻禹殿巍贈君賓 上國津動渴腸

回

漫興

林壑蕭條鬢已絲撫時猶切杞人思公孫垂老曾逢

世所愧生無曲學資

小館

小館空庭石砌閒
疎花短卉徑苔斑
眼前是物皆堪
玩何必開池種牡丹

獨宿

懶爲當世佛
甘作有妻鰥
此意誰還識
天空雲自閒

春遊篇

老年春興渾無賴
偶遇良朋如宿戒
溪邊籬落啓柴
門笑呼童子攜清尊
入門小徑幽還曲
四通遠近俱

不俗平田十畝無
足論方圃長陂野
色吞花明柳陌
波呈馥竹繞疏畦
草增綠叢蘿輳砌
目巧房眉檐斗
閣布被牀主人
瀟灑原好客
岸巾拍手語破的
自謂堪方安樂窩
夏多涼蔭冬日和
鳥啼清晝棋局動
牛臥晴沙簑笠縱
我來挾客總才豪
眼空海嶽羞兒曹
寧知邂逅偏綢浹
任意揮擗忘謔褻
潦倒憐予白髮
疎繾綣亦爾紅日
哺主人笑我壺已
側盤筍添來皆
本色吁嗟行樂須
及時杯傳到手且
莫辭平泉金谷
今安在滄海桑田
眼中改明日晴和
及早來莫緣中

酒盟因垂

題臺上蘭蕙

到處尋幽蕙蕙蘭林深徒自吐花蕃
瑤臺今日春風暖可使人言只等閒

嘆杜鵑

浥露迎曦兩葉鮮定期簇染滿枝妍
寧知春老鵑啼急依舊空條對小軒

得起報

黃鶴樓前鼓棹還白頭寧望更登壇
君恩終始如天

地親壽公私祝海山世故靜中看愈熟
宦情老去夢將闌門庭依舊堪羅雀
槐柳飄飄綠葉翻

起阻

我已賦歸來無端起忌猜命非臧氏造
機偶塞翁裁咄異書慚浩嬰娛服有萊林
泉春色稔心賞未全垂爲楊二尹乞辯

烹鮮方試技市虎忽成讒借奉迎家口
羈餽典僕衫淹依孤館月消息萬山嵐
誰爲陳當道毋輕里巷談吏部再推不報

聖主持衡鑑掄才肯失真 廟廊知有我山海豈無人
際遇殊難定迂疎本易淪丹心懸日月白髮背風
雲直北干戈動終南草木春行藏 嘉惠半慚負
累朝恩

中秋翫月客有先去者與坐客賦

拉客開軒待月明月方當席客先行分題尚喜詩人
在戀景能將玉笋停鶴立長松寒影瘦蛩吟四壁遠
聲清莫嫌此會經年隔後夜還看趁宿晴

少年行

裘馬輕肥人辟易說劍談天詫英特歌舞連宵換主
家怒揮禁令增顏色

其二

美惡雌黃口中易任俠家家堪寄食來往惟冀橫得
錢入手樗蒲供一擲

九日山菴

矮屋高坪住一僧十年再到未爲生兒孫扶侍行忘
遠芋栗新收致轉增四野蕭條寒澗出萬峯羅列白
雲層誅茅便欲重開徑時倚長松聽說經

白菊

冰玉賢人操嬌芳處女姿傲霜同皎皎乘月獨絲絲
海鶴精神異山雲結聚奇老翁頭自白相對日催詩
賞菊次顏傳韻

高士山中服名妃酒後姿水清沙白地霜落鴈來時
主謾無風韻肩深絕品題當筵如喜客端欲採新詩

其二

種奇原易發時至不須催豔似迎人笑清便把酒陪
小庭斜日映高榭亂蜂歸更喜飡英子尋常秉筆隨

對菊

晚節寒芳世共誇疎籬短徑景偏嘉霜清曉砌含蒼
蘚月上孤峯映斷霞英綻湘濱殮未厭泉流鄜谷壽
增遐年來風韻山林薄都入長安富貴家

其二

黃白參差間淺紅錯盆瓊砌小庭中高標過額輕籠
日瘦榦依杆薄謝風松下石邊遊士致竹間簾底美
人容梅花只解爭春色能殿羣芳卒歲功

小女歸寧阻雨

經時無好雨忽爾濕蒼苔意外景雖變望中人不來
松濤雲際捲鴈陣閣前排老婦依依願明朝日早開
喜雪次韻
從秋望雨向冬殷與雪俱來并作春細點毫芒皆轉
色雄飛宇宙總增新寒威不入紅爐閣清味偏宜白
髮人獨念茅檐僵臥者恨無大被撫膺頻

長歌行

有引

著文感揚子雲壯夫不爲之語因作

丈夫有手不能擎天控日整頓宇宙斧劈千古圖常

執毛鎚抽數黃白慚壯夫丈夫有口不能代天敷命
吞吐造化宣陳四海謨常申喉舌辯問瑣細徒使鄉
閭孺子稱狂奴丈夫有足不能高舉闊步蹒濟殿陛
從容矩矱承明廬常拖短履殘山剩水追隨風月躩
跚如鳧雛縱爾目能識賢愚耳能別淑蠹胸中兀突
羅今古耿耿勃勃何所吐公孫曲學三策迂詹尹不
卜三閭居霜清月落天萬里投筆把劍成長吁

身閒

身閒尤喜健何事獨關心出偶鄰翁語歸逢老父吟

清霜熙菊徑愛日滿松林若問神仙境三山碧海沉
冉冉

冉冉光陰幾人將何以稱危明逃法吏負俗老經生
日落豚歸苙霜清鴈在汀姓名知漸少耿耿況中扁

雅知

雅知閒是福閒矣更多管鑿石供棋局疏畦入釣汀
穿雲拖蠟履暴日寫玄經自嘆懸車客終慚面壁僧

喜中行脩園亭

索綯乘屋家家急爾獨鳩工理舊園增築墻垣防採

牧剪除荆棘藝蘭荃高低萬木含春意遠近千峯送
晚妍老祖扶筇誇幹蠱迂疎日涉得無憐

薛居士以詩來訪次韻

尊俎萍逢麥始秋瑤篇親授雪窻幽疏違不爲山川
隔落魄徒驚歲月流蘭葉遍遮松下徑梅花初綻竹
邊疇懸車負俗稀青眼傾蓋憐君過白頭

寄顏傳

出門猶記惠連居到館惟存小令書貧入歲終難作
客樂於物外見真儒園亭荆棘留詩榻道路冰霜足

酒廬好畢尚平兒女債謾吟春草共飄裾

次薛居士韻

結客山林傑士稀得君此念不終違雲巖泉湧傾巫
峽雪夜星明見少微捫蝨話酣拋蠟屐懸魚薊斷賦
緇衣授經到處東南美肯伴閒身對夕暉

園亭寄顏傳

舊園新緝剗蒿萊便覺周遭氣象開雙樹繁天雲外
出一泓通海石中來秋風黃壑飄黃葉春雨千家點
綠苔安得惠連同眺望長歌短賦足清裁

贈俞生

別去復何言叮嚀在文藝格正理自明耽奇乃流敝
譬造器與室堅渾爲實地體裁不中程鏤雕祇增費
豈無童穉憐識者鄙而誹砥柱迴狂瀾權力輕鼻弄
妍媸第隨人泛海四無際君看大匠繩千古終不異

聞薦

歲轉常如舊徒驚世味新懼深親漸老廢久婦忘貧
玉帛陳廊廟蒲輪徧海濱不知林壑意猶數姓名頻

探春

爲愛風光好探春過遠川壯心難自耗衰狀恥人憐
竹澗冰方泮梅林露正鮮蹉跎一年計半月又寥然
次韻酬薛省宇
高枕時懷萬里船短筇曾不過前川邊塵虎壘消春
雪海迅狼墩起暮烟致 主朝堂多碩輔論交巖穴
有良緣攜琴莫謾詢奇致人道疎庸處是禪

里社

簫鼓喧填衆若狂小亭兀坐獨迴腸東南賦稅催何
急西北兵戈勢未降松菊趣成園日涉稻粱肥詫野

人慶太平原賴宸謨定露布行看萬里揚

聞捷

里巷歡呼傳勝事西塞么麼肆諸市廟謨鑿鑿德
動天將略桓桓雄蓋世合圍大戰日月明小醜窟
伏嬰孤城黃河一決濤萬頃犬羊巢穴須臾傾就中
論功誰許最浙兵遠去氣尤銳統領將軍韜略弘奏
遣中丞算謀睿專征主帥喜可知我昔曾知諸健兒
貔貅百萬更此益殲寇後食夫何疑大勳果集天地
正天子垂衣四方慶豈惟西北塞塵清東海波濤

一時靜 神聖當陽運中興崇功殫績何足驚鼎彝
竹帛賁 皇極山河帶礪平台衡丈夫有才合如此
嘆我迂疎百無似朝從西澗飲牛歸暮向南山看射
兕註書白首愧壯夫把劍窺園葵正枯腐同草木分
已又俯仰今昔思蓬弧推轂頻虛當道意命定豈緣
神鬼忌且逐鄰翁歌太平金石聲中見古情

睡起

春雨連朝長薜蘿睡醒無賴起高歌機心固息癡翻
甚髀肉從生髻愈皤措大浮名愁裏得么麼勝際夢
中過數聞東海波濤沸舌在猶思下尉佗

姚邑治中並頭蓮和潘秀才作

遙聞赤解錦亭臯曲檻方塘發異標一幹凌波同挺
立雙葩浥露倍含嬌聯鑣雲路更先宋對繡紗牕未
字喬瑞應不須論往事育英種德屬人豪

寄舜傳

忽去遊何處僮來取舊綿老便爲客慣貧恥受人憐
多技翻成累稀知只任緣宗祠冬祭近歸信定先傳
十月桃李花盛開朝之

春分纔過清明來，嬌紅嫩白參差開。無論飄香并結實，笙簧綃幄塵盈街。十月寒飈妒林麓，幾樹英英傍脩竹。縱然豔冶異尋常，車馬紛馳誰屬目。

白玉篇

鄭生示我白玉牋，展開幅幅雲霞鮮。雲霞燿潔弦管應，頌述不數公侯賢。廣文先生楚名士，一氈五斗二三子。課集時捐首，宿餘春風滿座薰。蘭芷借署寧堪展，驥材烹鮮製錦如素諧。雅用閭閻識儒者，監司次第裏嘉來。我慚未覩荆州面，引領鄰封與健羨。邛三

乃翁余莫逆，久期過晤苦無便。仙華寶掌形勝奇，麟溪青蘿古道夷。探名訪哲老猶健，杖履函席思依依。

挽舜傳從兄

荒館寒衾老僕單，百年心事語人難。廉同陳仲情非矯，義比馮謹用未殫。琴韻風清飄去遠，詩筒湍急得來殘。所嗟瞻族慚齊相，昏雨疎林壁溜潺。

其二

瀟灑行遊散淡棲，縱橫不就總成觚。鴈聲嘹唳關山月，草色萋迷桃李蹊。蔡業微傳徒有女，黔衾正覆詎

須妻莫嗟墓冷祠無主只與生前浪跡齊

撥悶

賓鸞列俎鼓黃鍾驚顧飛鳴若不容性僻更誰能效
僻技窮至此始爲窮山河日月千年正今古賢愚一
夢同掃却塵埃俱潔地且沽村釀挾鄰翁

自嘲

只合沉酣策杖遊雕蟲刻葉日埋頭壯心難遣聊爲
爾反使賢豪謂我偷

大塢新庵

深塢新菴幾度來地高雄規任清裁千峯羅列雲霞
表萬壑縈迴市井厓纔說開山人已逝漫尋題句壁
多埃桑滄今古須臾事選勝探奇詎足猜

送潘秋元

濟南經術洛陽才漢殿賢良尚草萊莫訝龍門顛慣
暴已看牛斗氣難埋登樓郢曲臨溪賦攬轡驅歌帶
雪裁後會不須論遠近鴈聲偏傍鹿鳴來

萬一樓集卷十九

諸暨駱問禮子本 著

雜詩

五君子詠四首 有序

諛風盛而師友之義薄非一日矣予於五君子皆有不能忘情者各賦一律以贈若道諛所不敢也

贈俞孟通

英年奇抱待騰騫山館琴書伴服虔脫粟臨軒常對

食短檠生藥獨忘眠義敦世講情便淡學守師傳教
益堅百尺竿頭如有步吳蒙三日意懸懸

贈鄭克升

經術才名冠一時更憐魁梧負英姿元方已識難爲
弟杜預還能自得師老去待君成宅相鄙消怪我習
醫兒相逢有酒須同醉莫到分違想玉卮

贈陳任道

怪底英聲襲里閭茂年才氣本來殊五行并下無金
簡七檄俱成待石渠正叔高標門外雪少君雅致道

中車風流今古原同調逝景渾疑過隙駒

任道時學

於顏傳舍弟且有婚姻之意云

贈樓生冲玄景瞻昆仲

總角操觚思不群白眉誰是認難真劔沉延浦龍光
燦玉長藍田日色新憶母同心期木刻擇交異致總
蘭芬道窮愧我人皆棄懿戚憐才念獨殷

登樓

登樓時縱目幽思望中新鴈徙關河雨鷗橫嶺海雲
親交書訊斷名勝道途綦百歲津津意蹉跎總未真

謝圖真者

圖不肖兮非我真肖兮鄙劣容二身我身有靈終歸
盡況彼假託能無泯吁嗟特達古有人音容萬世常
若新詎如佛老愚世俗輝煌金碧侈繁縟我思古人
獲我心意圖不朽力不任君不見漢家有道隆輔弼
麟閣雲臺何處覓

喜得顧廉訪書

徑曉井轆動門開鄰豎需一寒畸士墅十載故人書
縱酒輕軒冕燒琴混里閭何時還促席起我白頭迂

夏日對剪紅羅四首

芍藥時過菊未凋綠陰小院碧瑜臺青標赤瓣含芳
露時喜南薰傍瑟來

其二

細葉長稍簇簇紅小齋高砌嫋薰風相逢盡賞凌霜
操嬌豔誰憐烈日中

其三

春羅開盡禪秋羅燦爛繁英六月多酒客不來詩興
抽斜頭抱膝嘆蹉跎

其四

老來始得花中趣
掃徑移牀眼倍明
莫惜少年徒碌碌
探珠採玉事難并

悼冢宰元洲張公

偶叨一顧便飛騰
獨愧迂疎老負評
自是絳侯難賈傅
空令蕭相識韓生
凌烟閣峻夷人指
箕尾星沉櫪馬驚
絮酒束芻何日奠
愁霾飛雨暗江城

寄少司寇梅墩邵公

渭北江東雲樹低
剡溪清夜雪舟迷
中興名世古今少
直道通家生死齊
秋水鑑湖分我勝
晚風鯨海待誰釐
鈞衡指日徵司馬
莫爲衰殘嘆數奇

移剪秋羅

酷日嬌姿不可當
矜鮮散彩待晨光
玉容欲貯須金屋
移向清風綠蔭堂

行路難次舜傳閩回韻

閩遊回首尚無何
奔走當年委似梭
自諷楚辭歸五柳
每從顏巷嘆三過
味嫌雞肋能拋幾
路畏羊腸誤入多
縱使關津饒勝槩
古今英爽暗中磨

高子集 卷之九
九月剪紅羅復開
笑日蒸霞豔本多迎霜仍放兩三顆捲荷引菊尤堪
賞掃徑羅尊待客過

有感

聖君賢輔共憐才忽儼隨停各有裁用老詎嫌官職
殿性迂終恐運籌乖勒銘彝鼎山河並混跡漁樵日
月開春雨秋霜皆大造肯令琴劍蔽塵埃

課種

小園時徙倚周遭多隙地拋棄任蘩蕪舉目嫌瑣細

呼童荷短鋤芟蕪蘊無蒂花卉未成栽來牟趁新霽
詎止眼前清且因圖小利何如卿相家名園饒錦砌
金谷旣丘虛蘭亭亦遷異小夫無遠謀聊爲朝夕計
種牡丹

小亭幽徑足名花起蕪重栽雪後芽故客尚誇當日
種遠懷思比列仙家按經刻候傳澆法編弱成菴避
凍華笑顧老妻須倍釀春來車馬定紛拏

族弟送花盆十枚與館客同賦

鼎形鐵質蚪紋古車曳瓊投鴈列齊頓覺庭除添氣

象便移奇樹實香泥歡成懶僕忘多事珍重高賢費
品題好我不妨招我僻惠來肯負賞花期

時乾所明府赴 召

化日和風萬彙舒寒厓枯木倍吹噓鳴琴綺閣常懸
榻羅雀蓬門每住車鯨海波平狼堠熄蠡巖塵淨硯
碑渠 九重萬里徵書急臺省行看氣象殊

漫成

自賦歸來理釣船筆牀茶竈楚騷篇雅知下士猶干
慮試問浮生幾百年 黼辰寂然無夢卜疆場勃矣

有風烟升沉分寸 朝廷澤犬馬私心至死堅

至日

人事天時理數兼履長嘉慶不須占舊尤搏虎名公
薄小技雕蟲後輩嫌松徑清霜迎蠟履椿庭愛日上
珠簾東之已老姚崇去只合終身守傅巖

季慶甫別號石屏人有以鴈山石屏圖贈之者
爲題慶甫彭山公孫也

彭山巍巍高入雲山前奇石爭岫嶙就中百尺神鬼
削方開直立尤絕倫鳥啼花發映雲日猿騰虎嘯清

萬一相集 卷六
風塵主人結屋大如斗氣吞五嶽常忘貧讀書每思
破萬卷揮毫時對陶天真君不見鴈山一障當路出
相傳飛落瑤池濱披圖不須興遠羨眼前兀突千年
春

慰吳心和悼亡

弟有子兄爲嗣一子嬉嬉兩家喜兄失嗣本弟子兩
淚汪汪同一瞥弟也含辛猶有貳兄兮子子徒嗟逝
憶昨未生情可知無愁無喜亦無思祇今直與未生
似古人之言良有理榮枯萬類各有時荆庭春暖饒

蓀枝

何陋居爲季慶甫題

東鄰西舍足華堂圭竇桑樞存斗室燕泥蜘蛛媿春
風草色苔痕映朝日主人不作袁安臥不作相如上
林賦門外時來長者車案頭數冊稗官書非迓富貴
甘枯槁文雅風流隨分好

送先行上南雍

青雲坦道我郎當瞠眼看人上廟廊況汝驅車非駿
轍望誰拭土辨龍光關河鴈落冰霜厲舍巷星聯燈

高樓集 卷九
火長賦就不須懷狗監清時賢俊總周行

過蕪田有感

叢生蔓衍亂遮羅
檠雨翻風得日多
袖手只憑童孺
指固應猿莠勝嘉禾

雪中遲客

雪勢紛無已紅爐獨可親
登樓看遠道掃徑待嘉賓
年邁逾憂疾身閒更喜貧
清烟浮短竹脉脉近黃昏
進酒

捲簾移席就斜暉
往事蕭條不可追
近屬尚離何論

遠壯圖猶拙況當衰門無隙地堪栽柳
匣有殘鎌足刈葵
分付兒童休報客且邀山色送深杯

顏傳有作贈長孫入學次韻謝之

老逢勝事每加飧
弁藻春風拂鬢斑
種豆有歌希世拙
植槐無術望孫難
馬群漸次收沙苑
花事蹉跎到牡丹
且洗玉舟邀傑客
醉中何必問仙壇

顏傳偕其子藏脩石匣山中因寄時其子小試
在優等

秋風萬里定齊驅
春暖先騰汗血駒
經術濟生猶未

老治安洛少已稱殊樵居遠俗常依豹釣艇乘流不
爲魚我亦守株攜孺子獨違叔度自嫌迂

次顏傳山中雜詠三首

狐窟荆栖別一鄉紉蘭攜玉共驅忙疎情世俗蘇公
力話舊儒生杜老傷積雨巖崖俱長溜初炎草木自
生涼岸冠躡屐拋書起摘茗烹泉讓雪香

其二

鄉里英賢聚一莊久儲斗酒未遑將定知太史遙占
德不謂邯鄲已熟梁盤谷固惟居李愿草廬自合有

南陽何時振履穿雲去蒲簟清分竹徑涼

其三

誰獨山深澗壑幽風清塵淨不生愁溪鳧出峽魚爭
避巖月當牕雨乍收紙碓自春空谷應野蠶盡繭女
桑稠聽鶯莫羨遷喬木鷓鴣橫霄萬里秋

悼徐子清三首

後二首次顏傳韻

素惜雄才老葦門登臺況見少微昏百家淹貫無今
古萬紙淋漓泣鬼神君復不嫌常在市正平猶幸得
全身投珍每憶蒸蘆館掛劔何時宿草村

其二
豈特文詞過惠連就中獨行亦堪憐群居不解隨人
笑自廢從權謝世緣高致似鷹還似鳳適情非菊亦
非蓮馬惟覓駕才方見竊憶鄒陽更泫然

其三

桓桓幕府士非稀珠履三千莫與齊朝貴斂容傳舊
表海夷欵塞贖新詩弓藏鳥盡無人傑流水高山孰
子期厭世乘槎定西上鵲橋河畔拾支機

端陽日夏至酬顏傳

去歲端陽雨乍晴包金砌玉新酒清嘉賓滿堂歌舞
競好花吹日軒牕明相將半月逢夏至晴中得雨花
添致牀頭斗酒香更烈傑客仍來不須遲今年兩節
并一場半晴半雨風露涼惜景張筵思秉燭拚酣引
滿難兼觴況復愁腸暗中結勝侶翱翔千仞嶮徒將
雅句慰相思白雪難賡衷愈熱小亭花柳雲錦繡小
盆瓜李瓊瑤姿默坐長思百年事佳節再并知幾時
共道良辰并不易我意并分亦何異但得君來共筆
牀風雨憂愁總無忌

有感
拏舟備糗望天河千里凌風破浪過欲指乘槎舊時
路長年自詫識經多

偶見

奇寶橫路側燕石什襲藏世事總如此誰是誰爲狂
且盡杯中物俯仰日月光賈胡毋掩口混沌同八荒

賦得木葉蕭蕭落

挾露乘風蔽日飛高飄遠集望中迷仙機剪綵仍穿
縷蛺蝶踰墻更過溪貯待學書那數柿拾來煮豆不

須其閒梳白髮羞盈櫛寥落霜天坐對嘻

問菊

重陽節逝月還餘蘊玉含金尚未舒豈似深閨新筭
女催裝無句故徐徐

世途

世途坦蕩本無岐千載難明是與非泥古何疑流俗
忤背榮自向野夫宜頻看耒耜春將動起掃庭除日
未晞衛武老猶勤小物道成原不在人知

作舉業文

爲售丁年亦
帝都白頭林下更操觚負暄本欲攜
鄰叟貨玉何期值賈胡路失有時憑馬得技成無處
覓龍屠贅疣枝指君休訝就裏淵微足自娛

鄭伯安京回過晤

劒負春風上
帝都寧期雪夜共圍爐時因失馬思
前事日挾雕蟲恥壯夫嘆逝歲除仍拊髀厭貧親老
欲更圖茫茫世界誰圓缺只合更深博塞呼

木假山

拔自泥塗裏居然置大庭入簾峯掩映冲漢勢稜層

梁棟材先用鸞凰翥欲停詎堪爲捷徑聚米偶同成

木假山雪

巒嶂老根成晴奇雪更清勢高非積土地暖詎凝冰
月映西湖嶼梅舒庾嶺英相看無彼此不是負虛名

有感

董生逢世阨我亦困
明時鏡影不成相蛙聲總爲
私漫同方外士僻忤里中兒夢卜徒多意其如兩鬢
絲

數奇

數奇因返山中駕自返山中數益奇輿論固多存老
馬物情強半忽家雞閒攜漫客登高阜倦逐歸鴉過
小溪翻笑虞卿輕棄相著書無意尚栖栖

悼葛易齋明府

草宿泉扃已十霜鄉閭如昨頌淳龐自憐仲父真知
鮑誰識蘇公善學莊薜荔芳叢深結社蕙蘭明珮舊
依棠才賢世守王舍在送別遙瞻劔樹光

時送其賢孫故云

悼百岡二守

公卿多少愧科名山斗如君不負評大用長空雲自

斂雅懷清夜月常明鶴歸芝繞庭前樹麟臥苔侵砌
上銘絮酒未緣申半面夢中荀御尚思膺

次韻酬葛雲嶽二首

解組歸來倏十春賢豪誰問白頭人脩琴入市忘衰
老買畚鋤園習苦辛泥裏是非憑世態客前嗔笑任
吾真清詞遠訊渾如故鳥雀榛荆氣亦新

其二

飢來索食倦來眠靖節當時詎不然相馬誰於牝牡
外賓鴻自在雪霜前一籌莫展餘千慮百歲都閒幾

年縱是九重勞夢卜輿圖曾到海山邊

次葛雲嶽韻

髮短誰疑心尚長
簏遊挾策總亡羊
三竿紅日只堪睡
一場白雲無可將
石澗午晴魚上瀨
山村秋暖稻登場
良辰莫道無佳致
竹笠蒲蓑客滿堂

自笑

昏雨晨風動席門
驚聞駟馬繞鄉村
登龍錦服宜清晝
羅雀荆庭缺上尊
錯礪藤纏巖下石
蒸甯綵覆園中豚
高卑執玉關休咎
細讀秦時呂相文

山莊喜諸文學偕兒輩會文

友鹿盟鷗百事輕
呼童策蹇冒寒行
荒村陋室饒粗糲
旭日清霜破晦冥
輪匠疾徐心手應
劒娘顧盼鬼神驚
翻思少壯徒多意
垂老儀形愧未成

睡起

園池臺榭倚嶄巖
燕麥搖風手自芟
未疾未除終是疾
妒讒何害恐非讒
魚龍遠奮千尋浪
鵬鷲卑棲萬樹杉
壽聖幾人今尚在
晝長眠食靜中甘

識感二十首

智者愚其智愚者智其愚鬼物或未識人事熟道車
鄙堯笑周孔管樂窺一隅長驅入秦莽顧謂言者迂
其二

至圓不加規至方不加矩萬形惟所付千古孰能去
淫巧末世滋成法依然主少年樂縱肆謂非時所取

其三

嘉禾植不生狼莠穰而實芟夷恐難殲況復藝使穉
芄芄藹如雲相邀共稱述行看穎後粒反脣色同勃
其四

獻承入遼東縮首徒自愧臨深以爲高何如日覆簣
遲速各有時聲實不可僞君看岱與嵩萬古孰能毀

其五

好諛本人情氣味必相屬不謂魚目珠則謂砒硃玉
顧指白爲玄蒲脯馬爲鹿色別形更殊歡然羨而足

其六

燕石賈胡笑荆璞卞子別暗投按劒起誰還問明月
真僞終古迷是非路人識輸彼瞽與聾有舌常如結

其七

萬一樓集 卷十九 五
謂少不足珍賈傳名未湮謂老不足數鷹鷂歸尚父
朝華惟取鮮喬木勢拂天物曲各有利相皮終未旣
其八

斲輪心手應不能授之子趙括讀父書徒爲世所訾
賢愚性已定箕裘奚足齒安得豪傑才文王不須埃
其九

藥石本苦口吐之已非宜膏粱誰不肯能飽康且肥
胡爲恣淫癖嗜彼腥與醜人性原不遠易察亦易移
其十

有鳥不在天有魚不在淵調弓與結網盡法還隨緣
優游恃飽暖服御矜新鮮盈車羨閭里猶謂事適然
其十一

力盡馬必逸汲深藉長繻封壇異傾蓋肯使中道失
便僻相悅愉肺肝各堪出轉眼成棄捐副毛已無質
其十二

鑑空妍媸別衡平輕重定大器先自治萬形無不正
事變紛紜馳揮霍漫無柄劑量誰得中優游日將暝
其十三

何以謂之文語到理自得百姓所與知千不能易
世變風會流高標恣淫忒牛首蛇爲身儀容共誇特

其十四

內愕音誤

孔子畏後生所爲年力富黽勉企前脩猶恐半塗仆
顧謂黃髮愚蹠躓矜獨步白駒忽過隙落魄徒自愕

其十五

古人不苟合合則懿而固今人重絕人傾蓋總如故
時勢少不齊彼此伎而妒有始方有終素心永無負

其十六

世八薄舉業謂爲敲門磚言乃心之聲倖得豈真詮
風雲朝夕變至理永無遷不係聖賢籍曉曉徒爲然

其十七

世事與時遷學術千古一豈無盛與衰正脈昭如日
賢智逞新奇縱橫混文質狂瀾旣已倒塊壤安能屈

其十八

東風入阡陌萬卉生顏色水涸千崖枯松栢凌霄孤
此理誰不識無奈人心忒把酒依寒標猶然春花嬌

其十九

草木區以別造化心無偏大響驚里耳卜家華捐
骨肉異越人彎弓可無言責善不可驟其然豈其然

其二十

謙卑國色淹高價脂鞭售列子饋漿驚秦相宣言授
貞淑恥自媒夸毗鴛偏驟今古無不然躬脩外何咎

郊行

心事迂疎孰與論杖藜郊外淨囂紛田邊牛跡新晴
路樹杪蟬聲夕照村山澗流長芳草潤野園徑短小
門石家家補廩秋收近且偶鄰翁罄一尊

